



詩觀三集目錄卷之九

李澄中

孟亮揆

彭孫通

朱彝尊

曹貞吉

再見

曹申吉

魏善長

鄭昂

吳從殷

陳燧章

林世俊

陳秉樞

尤珍

許維樞

錢鏐

笱重光

黃生

吳鏘

任紹燝

程先澤

吳寅

吳啓鵬

沈白

楊嗣漢

劉芳洪

查嗣璫

吳德照

李德

盧勳

危映璧

曹繼參

曹有為

宮鴻曆

金德嘉

胡繩祖

注頴

吳宗烈

汪光祥

白良瑄

李楠

范國祿 范遇 釋慧覺 王日講

吳濤 釋上思 程應鵬

詩觀三集卷之九

東吳鄧漢儀考威評選

同學張潮山來叅閱

李澄中 渭清雷田山東諸城人

題吳遠度畫卷

誰能勺水開吳淞。誰能片石摹崆峒。畫家老去貴細秀。君之此圖將毋同。我來白下與君友。坐君高齋飲君酒。巖壑蒼茫四壁生。颼颼風雲滿虛牖。醉後出卷索我詩。感君意氣無所辭。今人師心不師古。骨格雖存法已離。忽對此卷起欲舞。絹素空濛散風雨。尺幅萬里動長江。江上青山不可數。斜陽就暮流水遲。菰蘆細苗春風吹。恍恍一室密如織。似予維揚夜

泊時懸厓下注純是山竹林窈窕村籬間老樹枯根帶傾仄
龍鱗剝落蒼霞斑嵐烟濃處亂愈整墨痕將斷勢尤猛浪拍
空江若有聲雲彌幽谷寒無影有時霧捲天爲空平林謾謾
來松風經營慘澹意態遠始知妙書伴神工美君五嶽方寸
起美君丘壑生筆底明朝買舟吾欲歸回看已在茲圖裏

與少陵題王宰
韋偃畫詩並傳

禱雨龍湫因遍遊積霖谷

峽、拆、峰、初、出、巒、迴、地、已、窮、高、標、留、鬼、斧、削、壁、倚、神、工、物、本、無
枯、槁、天、爲、關、混、濛、雲、磨、風、磴、古、澗、轉、石、門、通、神、漢、流、丹、液、飛
梁、挂、斷、虹、積、霖、屯、象、谷、驚、電、下、龍、宮、苔、繡、香、巖、碧、花、連、野、殿
紅、龕、燈、懸、縹、緲、塔、嶂、果、玲、瓏、壑、暝、邀、雷、馭、林、浚、嘯、虎、風、洞、天

蒼翠外仙路渺茫中分野星常北朝宗海自東潭靈晨列仗
山鬼夜呼蒿草木千峰接天人一氣同生原隨造化帝或念
愚蒙應有風雷起爲霖報歲功

跨虹驅電鞭霆
役風有此神力

孟亮揆

端士繹來江南長洲人

陪祀南郊恭紀二十韻

壇宇接仙都天開壯麗區琳宮通太乙絳節拱蓬壺肆類尊
虞典登封陋漢模芳郊臨睥睨復道夾松梧葭動迎陽至嵩
高聽夜呼羽林環豹尾鹵簿出金吾清蹕雲霄下鸞輿日月
扶乍看八陛啓蚤見百靈趨燈火明星爛旂旂霽雪敷饗隆
三后配祀並六宗俱薦璧儀原舊燔柴禮豈殊燎煙通咫尺
香氣達虛無獻胙來常伯牽牲走膳夫廟縣鐘鼓列方物黍

茅輸籩豆陳周簋。劍羹寶夏瑚。駿奔皆尹士。分贄有公孤。昭事惟存敬。升中久應符。流恩方滂漉。降福在須臾。瑞貺由來異。休徵定不誣。侍臣歌右享。千載頌鴻謨。

典雅光麗。海應制之宏篇。

彭孫通 駿孫美門浙江海鹽人

省耕

青陽臨左个。皇路慶由庚。綺陌韶華徧。丹青麗旭晴。九旂清蹕影。萬乘屬車聲。蘭圃吹塵盡。芝田拂蓋輕。春光三日好。仙仗五雲迎。輦道遙相帶。鉤陳靜不驚。林花低鳳憶。隄柳繞霓旌。幽薄芳堪擷。寒塘漲已平。冷風勤問俗。靈雨待銷兵。為念民依切。頻勞法駕行人皆忘。帝力后自重。農情畿甸恩膏汲。郊原淑氣盈。千邨修黛輓。一墿泣未絃。草煖深藏。

雉桑濃細轉鶯。懿筐來獻繭。良耜去催耕。終畝登周頌。蠲租

陋漢京。喜禾同穎秀。瑞麥兩岐生。地迴宸遊暢。時和睿

賞并堯橋。還進酒。舜瑄更調笙。長見寰瀛泰。豐年玉燭明。

美門薄麗秀逸之才。茲為應制。亦復雲霞珠玉。搖筆而生。能不以延清見許。

朱彝尊 錫鬯竹垞浙江嘉興人

于忠肅公祠

昔在狼山下。軍書犯近垆。六師輕朔漠。萬騎失雷霆。土木塵長滿。龍蛇歲不寧。豆田沙浩浩。黍谷路冥冥。濟世須元老。長材總四溟。從容持國計。指顧悉兵形。瑕呂安群議。劉琨表外廷。嗣王仍曆數。高廟有神靈。既罷金縢款。無煩白馬刑。北轅旋翠輦。南內啓朱扃。命已甘刀鑊。功真溢鼎銘。春秋隆代祀。

俎豆肅維馨。一自輶車至。難期埃火停。遺墟愁戰伐。大樹日
飄零。碧草空祠長。黃鸝過客聽。霜鐘沉曉月。風牖繞明星。卞
壺誰修墓。巫陽數降庭。讖還思兩帝。碑欲墮江亭。遠水澄湖
白。流雲暗壑青。千年華表雀。哀怨此重經。
排比之中能運事英朗抒氣豪

達固為傑出時輩

重經彭山

猶憶清江舊板橋。門前曲水細通潮。垂楊不是傷心樹。那得
長條更短條。
君固情種乃作此語

明妃怨

青海長雲雪。作花紫臺風。急旋驚沙君。王自信。和親好。不見
關支入漢家。
未經說破

曹貞吉再見

過鞏嶺

蜀道天下向。千盤矗雲表。不緣五丁鑿。何由露天巧。頗思李
昭道。圖像入微渺。棧閣兼騾綱。人物極纖小。新安山水篇。茲
嶺當戶遶。一綫通混芒。百折愈幽悄。人行雲氣中。路出群峰
杪。谿谷窈澗黑。冥濛神所保。絕壁翠紅交。仙人紛羽葆。豈惟
勞心魂。實乃亂昏曉。健足追猿猱。排空接飛鳥。便欲凌長風。
俯覽抒懷抱。
歷險探幽指次皆實非故為奇詭之語以欺人

三谿

作遊記妙手
兩峰倏然合一水。奔而赴似髮通羊腸。此走金陵路。陰厓疑
鬼神。遑辨朝與暮。鐵壁聳千仞。斧痕隱然露。題字久剝蝕。修

名信難據。緬惟洪荒。初氤氳。元氣聚山川。自盤鬱梯航。那得
 度削鑿。始何年混沌。傷其故雄關。峙絕巔。一夫儻可拒。王公
 重設險。屹屹金湯。固我來值長。至天風正號。怒濃翠沾衣裳。
 霏霏作薄霧。一月兩經過。能無臨溪懼。何必九折坂。王陽始
 畏馭。

大風過涿鹿

客子遠行邁。駕言還江鄉。驚風盪沙塵。白日藏曦光。潏泱朱
 龍河。似箭流湯湯。此地舊霸國。軒轅古戰場。荒哉十里霧。使
 我徒旅傷。安得指南車。庶同飛鳥翔。

雨發富莊驛

青陽倏已分。修涂正迢遞。畿南五百里。身過卽夢寐。連朝雲

族會入夜。雨聲至。驚風撼老屋。屹屹懼顛墜。庭憂百川灌。牀
 疑一葦繫。我馬旣虺隤。我僕亦憔悴。遂成一日留。王程嘆濡
 滯。駕言出荒村。雨脚森垂地。潏潏溝澮盈。淙淙流沙細。依稀
 浯汶間。不覺鄉井異。衝泥走羊腸。咄咄風塵吏。
天○地○老○之○景○
長途苦雨寫得真樸

彌令旅情不歡

齊河道中望泰山積雪

岱宗高峩峩。鴻濛闢靈境。陰崖六月寒。冰雪常耿耿。仙人赤
 脚遊。躡踏層峰頂。而我塵中人。瞻言但引領。滉漾海水潮。縹
 緲峩峩影。群帝翳白鳳。微茫露光景。霓旌曳流輝。素女明粧
 靚。蕩滴雲氣會。膠廳天風冷。及茲目一豁。明發陟遐嶺。
山○積○雪○光○影○團○射○射○不○及○瞻○
縹○緲○縹○緲○縹○緲○
精警

長城舖

七雄昔雲擾。屹屹各守邊。茲地畫東秦。長城防未然。連山走
 溟渤。一髮窮青天。嗟彼築城人。白骨埋荒烟。柝聲達楚趙。王
 業當千年。云何松間餓。曾不崇朝焉。在德不在險。持論寧非
 賢。

詩文貴有識始不為兔園冊子所愚

望徂徠有懷石守道先生

驅車徂徠下。亂石紛坡陀。元氣自氤氳。千古無磷磨。緬惟石
 守道。讀書秋澗阿。和鳴韓范歐。接跡金鑿坡。四賢一不肖。持
 論高峩峩。慶曆聖德詩。遂激清流波。群公方嚮用。先生終軼
 軻。彥國亦偉人。乃有鬼怪訶。飢烏噤無聲。奈彼人國何。

所以東林諸公畢竟詆毀不得

磬山

青天削芙蓉。片片垂嵐光。連宵魂夢清。引入山水鄉。登頓不
 辭勞。拾級陟崇崗。絕壁青紅交。怪石苔蘚蒼。馬夏大手筆。金
 碧亦鋪張。宐此宅神明。風雷開混沌。玉帛走河朔。岳瀆儼分
 行。岱雲西北來。龍氣森然涼。靈旗與風馬。陟降殊非常。空冥
 仰無極。鸞鶴紛翱翔。渺矣汶河流。荒哉新甫疆。日暮騎馬回。
 濃翠沾衣裳。

郟城道中作

山行良已疲。振策遵平陸。淡沲沂水流。粼粼上睂綠。頓軛問
 官亭。老柳幾株禿。此地可見水患不秣維揚困陽侯。驚濤捲茅屋。苔壁繡龍蛇。彷彿
 波痕蹴。老稚繞我車。塵土堆面目。鶉衣不掩髀。鷓食那盈
 腹。晝則學寒號。夜或如鷺宿。安得萬間厦。使汝歡顏足。安得

連聲歎息

詩集三集九

定本

紅朽倉使汝元氣復安得纏樹繒使汝美衣服安得金錯刀
使汝充笥麓哀哉復哀哉斯人信熒獨

山左之民豐年則粒米狼戾凶歲則滿路流移乙巳春雨暘偶愆而鄒滕境上民之挈妻抱子者相繼矣固須節儉以為長久之法

清流關懷古

太尉躍馬萬人敵宋祖金戈揮白日堅壁青山未肯降偏師

忽繞羊腸出滁州西澗水淙淙排空直下千艘艫背城一戰

遽成縛蕭然敗穽隨秋風旁午羽書飛似雪淮甸已無唐日

月王氣全歸夾馬營煙波一葦堪愁絕不見江頭片甲還官

中猶唱念家山花壓闌干春草碧誰念沙場刀箭癢

與陳後主

同一敗藏言之可歎然一片降旗出石頭屢敗人意是獨何耶

符離潰

魏○公○主○戰○不○主○和○始○終○一○節○無○偏○頗○用○兵○非○長○古○所○忌○武○侯

猶○乃○煩○譏○訶○德○遠○未○能○了○此○事○東○湖○老○子○先○機○多○富○平○敗○由

都○統○死○淮○西○叛○始○將○軍○苛○符○離○一○潰○遂○塗○地○百○萬○夜○散○迴○雕

戈○生○靈○喋○血○那○介○意○如○雷○鼻○息○寢○以○訛○心○學○若○此○良○不○惡○申

息○父○老○將○如○何○嗚○呼○申○息○父○老○將○如○何○至○今○功○德○還○魏○我

從來才與節不能兼故赤膽忠肝可鑒天日而以當軍國之際鮮有不債者嗟乎豈獨一張魏公乎

蒙山出雲歌

新○安○黃○海○天○下○奇○東○蒙○出○雲○差○似○之○我○來○恰○當○春○暮○時○上○已

已○過○清○明○遶○萬○山○一○氣○無○端○倪○如○馬○如○日○不○可○知○絳○衣○掩○映

何○歲○蕤○化○為○蒼○狗○空○中○馳○欲○行○不○行○司○者○誰○欲○斷○不○斷○微○風

吹○陽○氣○鼓○盪○驚○躩○踞○縱○橫○列○缺○兼○王○觀○八○荒○霖○雨○天○無○私○我

聞貝闕光陸離天吳海若夾水飛。蜃樓閃爍千虹蜺。城郭人物靡不為闍婆。隱現婆瀾瀾。觀河面皺悲酸嘶。我有大腹一鴟夷。竟須引滿金屈卮。醒來紅日窺東籬。
寫得雲氣變幻離奇不可方物

豈徒藻彩之紛綸

途次遇李華西有贈

青門折柳處。躍馬學從軍。慣識風雲色。曾穿虎豹群。師臨渭。渡符向嶺頭。分辛苦十年事。蓬踪又見君。
兩君皆以中秘出為郡丞故敘述舊事不勝感歎

漫河苦雨和靳熊封壁間韻

斷雲橫野岸。積雨妬春陽。澗道堪浮馬。神工欲化羊。城荒存霸國。岸澗認漁莊。顛倒衾裯臥。誰能憩隱囊。

雨後行德水道中

○高○氣○逼○人○
縱橫皆積水。莫辨九河流。勢欲浮牛馬。懸知下鷺鷗。雲猶屯北陸。耕已徧西疇。麥隴含朝爽。蕪蕪入故丘。

過疏太傅故里

○看○二○疏○有○身○分○
公等抽身好。先幾見獨微。漢家重文法。太子失英威。自是殷憂切。誰云止足非。試看蕭長倩。咫尺蹈危機。
前史會言之

下相懷古

黃河東注項王城。慘澹風雲指顧生。草草鴻溝盟楚漢。匆匆戲下失韓彭。艱難亞父縱橫策。辛苦勾吳子弟兵。遺恨九原六州鐵。不畱神武鎮咸京。
重瞳失着儘多此能寫盡

旗懸卿子冠軍頭。誰道荆人似沐猴。救趙已收三豎子。入關

新劫五諸侯乘時江左英雄色落日陰陵感慨秋亭長棹舟
定本

日天定不可強
為豈不可笑

口號

豆蕪烘爐也便温老翁擁絮自當門笑余何事衝風去豈少
農書課子孫
東坡每思閒坐莊門
喫炒豆瓜子即此意

彭城懷古

妙舞清歌關盼盼英雄卓犖張徐州繁華過眼如飛電何處
春風燕子樓
我輩繫情
偏在此等

趙北口三首

西澱年來春水平鳩鵲鳧雁各春聲孤帆怕向蠡吾去細雨

斜風空復情

春陰漠漠閉淡龕陽語蓮香路舊諳橋下數聲欸乃急重尋

旅夢大江南

咫尺菰蘆望渺然魚牀掩映水雲偏分明記得經行處鶯脰

湖邊鴨嘴船

三首俱翻
翻有逸致

禹城道中和壁間韻二首

洲邊幾點白沙鷗籬下一雙烏犍牛駘蕩東風吹不歇淡烟
芳草入齊州

幾處飛虹幾道泉一庭杲日一林烟計程淮上逢寒食跼跼

風前墮紙鳶

二首
韻甚

途次口占

輕烟漠漠入徂徠。麥隴悄悄斷繡開。水碧沙明認鄉土。亂流真渡汶河來。

夕氣空濛乍結陰。絲絲園柳變春禽。短衣騎馬荒山路。擁鼻誰成梁父吟。

先生七絕雋妙真令摩詰龍標閣筆

曹申吉 澹餘山東安丘人黔行黔寄二集 至江陵將舍陸登舟用子瞻韻

殊方漸卑溼。遠道防蒸溽。生平五嶽展。登歷未云足。蜀峽東

奔濤出險漲。平綠渚宮紀。勝覽冥搜笑。空腹指點昔。龍山不

復辨。周麓回憶祝融尊。楚山早已伏。此都會全盛。歌舞日相

逐。六代擁上游。戰爭紛在目。賢豪歸丘隴。官殿易茅屋。流光

閱興廢。百年飛電速。咏懷發高唱。誰繼少陵躅。離亂悲王粲。

儒雅師宋玉。吾久倦縮塵。聊借帆一幅。欵乃傾耳聽。騷賦故

枕讀。靜聞山兕叫。暮對峽猿哭。千里爭險仄。百丈率仍續。小

艇任鷗浮。何須競蠻觸。擾擾拘形役。落落窮巖谷。達人貴坦

蕩。老氏觀無欲。未能作蠻語。率爾投荒服。

汗寫之

傷時憫遇。胸有無數鬱陶。借墨

虎渡口阻風用少陵韻

出峽江餘勁。日射中流赤。西風噴響雪。如蹙萬仞石。維舟臨

野岸。鼉窟崩沙壁。安危託長年。喧豗驚遠客。愁覺妻孥累。險

絕友朋跡。豈不戒臨溪。信為王事迫。隱跡慕宗庾。

癯相甘山澤。日入美巢居。對酒難自適。

渡江後得溯河南行遂乘月夜發用少陵韻

筆甚剛猛如虎豹搏人

出險舟始輕斗酒節勞苦安穩謝神貺屢舞祠廟古肅肅晚
 風清漠漠村煙聚臥聞櫓聲亂疑落松梢雨漸覺林杪白殘
 月翳復吐波光明蕩滿卧鳧紛可數微涼拂檣末數星粲當
 午卻嫌舟楫速佳景不遑取
音節亦逼似少陵

舟中苦熱用子瞻韻

江畔倍鬱蒸解纜夜將半昨維野次舟卧聞猛虎嘆老樹盤
 空曲離披猶堪玩垂釣塘水清開帷螢火散提携骨肉親從
 容文酒伴青蠅及白鳥擾擾暹昏且披襟汗已浹何待書堆
 案蓬牕分旭照蘆荻光凌亂髮短不暇梳綵敝仍頻盥七日
 困淹畱坐惜王程緩纍纍驅小舟次第類魚貫擊楫古誠壯
 破浪吾甘懦疎放櫻羈紲往往同冰炭不汎五湖舟翻假苗

方館北客心常冷南土風多暖兀然審出處臨流直一粲

寫途次風土凌雜筆筆勁悍

泊高口渡用少陵韻

舟行多曲折挂席不遑安逢人問程期欲辨侏儻難茅屋夾
寫景在舟中
 青林漠漠清陰寬田婦弄小艇一碧無波瀾麤絺裏居民徒
 跣忘燠寒白鳥淡容與跳濺渦一盤茫然翼軫際不知厚地
 乾倘入武陵曲胡麻慎加餐

過澧州四十里江口阻風卻返澧州用少陵五盤韻

澧江繡曲折藥山青有餘南風日以競誤訝操舟疎無田
 壩蘭芷聊復狎禽魚氣鼓洞庭浪聲拔鼉鼉居勇進忽爾退樊
 籠意不舒白鳥乘水驕爾輩何當除斂舟避炎威蹇步隨楚

墟終愧剡溪棹興盡返故廬

精力百倍足以穿石

大龍驛雨中用杜韻

松陰紛夾道聊慰遠行苦。碣留蒼蘚積寺憶甘泉古。道側甘泉寺舊
趾寇忠愍紫微冉冉明碧篠娟娟聚卧看北山雲去作東畦。南行所經
雨鳥語隔青冥時共村煙吐驅犢傍籬落簑笠遙可數雷聲
隱大澤峰影失亭午。祗愁武陵路溪漲難復取。幽

武陵雜詩用何大復韻

沅澧滙洞庭南紀窈難測山與雲孰多水共天一色古有行
吟人憔悴此潭側仰視飛鳥亂冥冥白日黑馬蹄困蒺藜步
步防顛踣愁聞盤瓠歌窮適夔人國南北節候殊萬變何終
極中廚薦蔬盤微物關心惻家園盛瓜李對此長相憶

蕭條鼎澧間亂後行人稀茅屋遠巖下野水明荒陂新稻始
成秧何以充客饑客子喜容膝滿眼唯蒿藜遙澗收夕雨松
枝供晚炊牀下伏雞豚門前畏虎羆展轉起中夜漏盡氣如
絲不歷武谿險毒淫那得知。蠻荒兵後光景爾爾

早發桃源過白馬渡抵桃川途中作用少陵韻

荒邑乘夜發微涼庶能及小輿穿林樾侵曉嵐光入豁然昏
霧開始辨諸峰立石磴鬱參差俯臨危棧澁路轉青冥高灘
過白馬急古洞盤溪窈疑有蛟龍蟄當年漁父棹重來空歎
悒事遠碑記荒篠密狖鼠集徂暑戒修途佳致不遑挹鳴蟬
逶幽咽如聞夜猿泣。層層描寫盡剗刻疏剔之妙

辰州官署用少陵韻

官舍疑空山隔岸見飛閣群峰亂起伏一水噴迴薄昔人重
守險溪洞儼紛若偶來探遺勝一椽聊寄託普天炙手威何
處着吾脚浮生類奔猿崑骨思病鶴俗嚴伏波祠赫赫如可
作土人談喪亂十載事猶昨寥廓洞庭外山川未蕭索所愧
負登臨濟勝才具弱

刻畫
巉巖

立秋日遊華嚴洞用少陵韻

我行窮南紀落落難自適西風今日至已過朱炎赫道旁鬱
奇勝古洞盤幽閭下臨萬仞谷高峙千尋壁入門石乳垂嵌
空踰數尺始信荒微外天雷破拘寂興來列炬探溼雲生滴
瀝躡屐難自料猿挂愁危石巖峭誰削成疑是巨靈擊安得
九日曜不煩后羿射龍跡類刻畫溪窈信窟宅端妙禮大士

森穆列仙伯

洞中妙像天成工於塑繪

古來賢達人未經此路僻傳聞止

蠻裔奇跡艱良覲不獲列圖經寂寞空山碧巉岈參鬼際千
里山川坼誓將投陰崖因之窮地脉恐探秘笈書致使仙靈
戚彷彿桃源棹終與秦人隔茲邦歷喪亂流血日夜赤迄今
深草畔疑埋舊鋒鏑與區悲獨存終古蒼煙積庶或揚勝槩
遠與靈威敵元氣剗不盡遐荒安衽席孤客理回駕永謝筇
竹策臥遊追閱歷油然懷抱釋此志難遽遂翻爲行役迫寄
謝後遊人亦猶今視昔

籍山水發出奇情
直與昌黎爭勝

飛雲巖

黔山爭突兀蜂壑同險陋昨遊始靈曠恂恍感神誘豁然耳
目開復此親奇觀片雲忽飛來荒服鍾殊秀割據天一隅廻

環元氣厚奧府難輕探。巨石當關守，稍折見古栢。依稀秦漢，
 舊颺颺。西風至，濤響驚泉溜。瀑布散層巔，倏聞秋雨驟。仰睇
 青無際，憑虛起杰構。霏微雲氣濃，峻嶒石骨瘦。凝如獅象伏，
 險比蛟螭鬪。千尋包厚地，亭午天光漏。絕嶂垂碧乳，嵌空開
 翠牖。幽洞信龍窟，俯窺但糾繆。不知太始前，誰鑿鴻濛透。造
 化才易竭，茲奇恐難又。舊題苔蘚積，拂拭勞襟袖。剗真宰，
 泣掉頭。疑不受安得鬼斧利，一為洗癥垢。面目還厥初，山靈
 笑相就。
 險奧蒼鬱不可名狀

馬鞍山歌

昨過辰龍稱險絕，峭石千尋蒼如鍊。雲際突然開，鳥徑斧鑿
 疑隨仙掌裂。遠役由來魂易驚，蕭條古驛昏燈歇。僕馬雞豚

共茅屋，病來祇欲親冰雪。卧覺嵐光薰枕席，起看峰影涵星
 月。依稀誰辨摩詰筆，分明屢聽綿蠻舌。溪聲活活逃近遠，暗
 中頻渡愁曲折。眼前叠嶂不知數，暫忘疲繭恣怡悅。曉來更
 度馬鞍高，危巒直上愁猿狖。登降安危託輿隸，欲墜不墜爭
 分毫。谷溪徑仄那能避，入險應思置足牢。上摩青冥拔地起，
 颯然風雨生松梢。回眎辰龍失雄據，倒影遙射沅江濤。古今
 荒服多奇勝，浮生閱歷隨所遭。杜陵飄泊眉山謫，吟哦山水
 神為勞。昔人已設重關險，何必開邊事不毛。
 風雨雷電隨其筆端令人

一讀一驚叱

乘月發山塘驛道中微雨即事感懷

昨宵螢火窺虛館，戒虎鳴鏃不及旦。南山月在北山雨，連峰

忽界陰晴半層巔。一逶微涼風吹石磴松杉亂。前騎遙遙○路○光○景○後者續谷迴徑轉還相見。隔林人語互響答。杳緲乍疑狼狽。喚毛骨頻妨瘴癘侵。臟腑豈緣風土換。齊俗噉麪固其常。月

來祇覺香秔慣。山畦幾曲稻苗齊。入眼已羨流白粲。病肺有

時廢七箸彈。鈇不訝空几案。我怪妻孥色沮喪。臨鏡指我鬢

鬚變入耳。唯嫌方語殊。紫苗烏鬼充人面。沅湘幾年烽燧息。

蕭條野戍蠻江岸。馬有青芻奴有粟。此行偶爾非南竄。五溪

歷盡路未窮。異域何當緩三歎。○老○杜○神○境○子厚柳永間諸記搜剔靈異不遺餘力竊謂黔行諸

詩可與相敵

過辰龍關

地入三苗險。關雷一線天。虬枝懸宿雨。龍脊鎖蒼煙。鬼劈千

年石。虹飛萬仞泉。鴻濛誰遣鑿。悵絕楚南偏。

沅州雜詩用少陵韻

異錦兼天馬。承恩出漢宮。經時憐驥病。久客任囊空。蠻瘴

高難雨。溪流曲易風。歸雲將旅夢。夜夜汶陽東。

西南煩重鎮。移節復星沙。設險曾何意。王臣自有家。○筆○有○開○關○偏撫舊

數載○今○移○長○沙○苗。馴千帳。煖江繞萬山。斜誰關窮荒。路無勞一柱

誇○體○便○而○節高

石橋驛道中作

漢江渡後無平壤。歷歷山川人險來。定有猿聲千嶂合。愁聞

鳥道百蠻開。石梁風雨吹燐火。澤國干戈剩劫灰。炎徼古多

遷客淚。幸分旄節敢遲迴。○詩○情○悽○惋○却○不○傷○氣○

舟發荆州寄懷家兄用少陵韻

舟楫萍蹤去此州春明上巳繫離憂于於上巳日別兄京師獨來異域

唯青眼相見他時各白頭出峽遠檣懸落日背人沙鳥趣江

流楚人秔稻年來秀小屋淡塘看浴牛于思兄後只寫異鄉之景而情在其

中

章華城外江水淡南來卑溼苦相侵杜陵詩憶羅舍宅湘浦

魂悲賈誼心兩岸葦風吹短榻一帆蘿月照長吟高堂制淚

殷勤別報汝臨風雨不禁苦淚在結句

楚南

楚南三伏困淹留作客還同澤畔遊日暮雞豚歸甕下雨餘

蛙黽上牀頭稻畦當戶綠螢聚松火連山白鳥愁卑溼祇應

遷客慣敢憑參朮緩千憂

風土之惡寫來咄咄逼人

沅陵和武曾韻

夜夜松枝徹曉然同看明月嶺頭圓沅江陋入盤瓠俗黔道

難於上峽船烏逸書傳秦代隱壺頭穴記伏波穿何年設險

標銅柱炎瘴驅人到日邊典秀

早發平溪衛

野霧茫茫擁亂溪宵行那復辨東西人來遠洞疑山狄客過

荒村叱竹雞瘴癘乍侵青草溼烽煙直上白雲齊哀蛩萬里

聲仍舊一路迎秋故故啼寫早發妙貼蠻方情事

入黔界有述

久徑窮三楚單車歷百蠻參苓扶病足風雨老韶顏殘月懸

峰細宵燈渡水閒。溪流星箇箇。苗唱鳥關關。野霧千畦暗。崩
 崖九折艱。猿驚茅嶂裏。犬吠石門間。亂久悲黔道。烽遙接蜀
設色甚麗山。夢來蝴蝶影。瘴過鷓鴣斑。辛苦親殊俗。安危託彼頑。連日
皆用投荒雙眼潤。濟勝一生慳。淫祀紛烏鬼。文身笑白鵬。與夫
 嘔元自慣疎。放幾曾刪計。日攜筇到。何時泛棹還。粗官今已
 就。無復點清班。精力陡舉 藻艷奪目

賦得隨風直到夜郎西

隨風直到夜郎西。鳥道中穿萬壑迷。轍跡龍門渾未及。圖經
 荒服杳難稽。蠻分九姓窮千洞。地過三苗憶五溪。飛瀑每驚
 緣虎穴。高峰誰鑿入雲梯。翠屏峭逼江流窄。丹閣半侵象緯
 低。城郭虛無獺犬嘯。生涯鹵莽鷓鴣啼。腐儒建節羞雞肋。孤

客乘秋慎馬蹄。那用鼓鞶威紫花。願分干羽格黔黎。官僚寄
 食憂堪老。文史臨邊賤。比泥絕域居然知。漢大浮名不敢望
 人齊。前途更有關山恨。筇杖探幽好自攜。七言排體最難 此節節華鍊

白水

白水繞南陽。三日三回渡。輸他漁父舟。流入楚江去。趣而遠

辰谿

柏葉映山翠。稻花連水香。鳥多人跡少。清絕古辰陽。紀其風土
 幾日渡沅江。一見一回緣。穿過萬山中。不辭隨處曲。

途中遇入京使口占一絕

連朝風雨百重山。始信荆門道路艱。逢着舊鄰煩寄訊。行人
 今過虎牙關。以不盡 為妙

以上黔行詩
共選三十首

陰雨浹旬用高達夫韻四首

入臘值窮陰。連山晝杳冥。離思紛暮節。憂時慙壯齡。桂葉不復彫。扶疎間冬青。是蠻中景物荒城鼓角喧。曾不妨高臥。積晦遲朝光。偃仰成予情。南雪終難見。北鴈何時過。

誰知建節來。翻同抱甕居。雙柑既入手。斗酒還復儲。鳥雀投廣庭。悠然念故廬。

官閣日寂寥。由來儔侶寡。青青園中蔬。歲晚猶堪把。鹿寒平野外。牛歸遠山下。言念無衣人。躑躅窮鄉者。四詩青蒼老鬱

署有三孔雀。入臘苦寒日。逐雞群食宿。與共直賦其事。

非有託也

青鸞來何方。矯矯珍羽儀。雖登君子庭。未忘殊鄉悲。窮陰歷三旬。雨霰時霏霏。抗音思遠道。鼓翼無光輝。尾短志空長。塗窮力已微。展轉逐雞鶩。啾啾恆苦饑。朝雜群鳥鳴。暮望空時歸。寧自甘儔侶。誰復辨高卑。崑崙有青鳥。塵中消息稀。何當矯首來。待爾頤頤飛。筆筆

郊南偶興

東風幾日來。淫雨無時休。煙霧隱郊甸。巒岫疑濤流。陰陽遞相嬗。春氣浮九州。何為千里內。山水同拘幽。衆卉寒不衰。新芽亦已抽。菜花紛滿眼。參差間綠疇。奮雷無冬春。百蟄仍優游。對此感殊方。兼歎歲月遒。伊子別京華。四序忽云周。豈不

念鄉國王事寬離憂遙峰走魍魅蠹茲類蜉蝣烽火雜軍書
冀為蒼生謀鳥獸知逆順川嶽貴懷柔舞干庶止戈瞻言思
好仇時有 時物之殊 苗蠻之 苗警 警寫得警切動人

二月一日作用白香山韻兼倣其體

二月忽云至土中百蟄出年增道力減聞十不知一徒留抱
朴篇愧乏理民術苗俗挺戈鋌難用中原律常恐嵐氣薰觸
眼成昏疾高樹澹搖風淡簷閒曝日安穩歸田園浮生此願
畢老筆作書報朝貴不堪今有七清老無敵竊恐香 山翁無此手筆

同諸公觀聖泉

城郭幸多暇展齒忘疲茶披圖得聖泉曲徑穿危嶼舊題蒼
蘚積彷彿辨殘碣日夜一以周百盈還百竭懸磴分石鏡流

影飛玉屑淡淺判俄頃目覽不遑瞥荒城蘊靈異似為我輩
設攬勝及芳辰一掬漱冰雪活空山茗青青伴野蕨口入
春氣幽啼鳥催迴轍卻憶岱麓傍百道爭曲折名泉七十二
起伏紛明滅又憶雲門側澠水鬚眉徹冷然范公亭千載同
清冽茲泉倘位置伯仲堪肩列似于美太平 寺泉眼詩

春盡贈李武曾

今日春又盡吾歸竟何時積雨暗晨光茫茫遠山陂好鳥傍
簷隙翩翩擇樹枝朱櫻覆左階綠荷冒前池濺珠不成圓結
子行當離浮雲多聚散草木有榮衰中懷易慨慷形跡同拘
羈知其寄託不與俗同豈復戀茗華感此日月馳素心澹以約遇物寧推移我欲
奏齊謳子來續楚詞倡和誰復聞一遣殊方悲抗手招禽尚

永○結○山○中○期

蒼堅秀上
全體建安

閱子瞻集有初秋寄子由詩因用其韻寄上家兄

○遠○甚○微○風○吹○一○鴈○遠○自○沅○江○去○清○曉○過○盧○溝○猶○識○別○離○處○阿○兄○金○
○馬○彥○讀○書○秋○巷○中○西○南○望○落○日○歎○息○無○由○同○長○安○暑○未○衰○藜○
○牀○當○北○牖○魂○夢○有○時○來○昨○夜○執○君○手○相○將○歸○故○山○此○約○兩○不○
○疑○出○處○將○無○同○猿○雀○偕○心○期○明○年○兄○四○十○彌○覺○高○堂○老○負○郭○
○可○躬○耕○為○農○苦○不○早○因○風○報○諸○兒○頭○角○幾○時○成○竚○聽○秋○林○下○
○中○宵○咿○啞○聲○
衷情纏繞音
節亦似斜山

和楞子厚感遇韻

珍禽來南國○驚號失故林○羽毛日以短○雨雪非所任○回思上
苑○栖○枝○柯○廣○且○淡○灑○褫○羞○凡○族○啁○啾○雜○衆○音○飲○啄○庶○得○所○寧○

知○歲○序○駸○白○日○偶○迴○照○浮○雲○易○成○陰○攘○攘○游○冶○兒○挾○彈○輕○黃○
○金○逡○巡○避○之○遠○危○巢○難○復○尋○向○人○多○引○吭○臨○風○時○理○襟○我○生○
○同○羈○旅○離○居○傷○客○心○
全學陳
思王

七月二日暑甚偶讀蘇子瞻詩為中郎友夏選本輒題

長歌於後

炎○威○炙○手○何○處○無○窮○年○奔○走○消○髀○肉○毒○淫○尚○憶○武○陵○淡○歲○月○
○空○傷○夜○郎○速○夏○盡○黔○山○十○日○晴○火○雲○片○片○行○相○逐○閉○門○經○月○
○忘○冠○帶○高○枕○北○牕○差○免○俗○書○卷○攜○來○似○故○人○葛○衫○散○髮○開○殘○
○簾○一○編○入○手○睂○山○公○髣○髴○松○風○吹○尺○幅○飛○泉○百○道○隨○地○湧○驚○
○濤○萬○里○連○天○蹴○屢○謫○偏○宜○畱○嶺○嶠○一○生○不○得○歸○巴○蜀○岐○亭○文○
○酒○易○慨○慷○彭○城○風○雨○關○心○曲○命○中○磨○蝎○誰○使○然○詩○案○黨○碑○人○

僕僕倔強何如吏部賢廣大堪為樂天續嬉笑怒罵偶然耳
 別有此翁真面目公安冷澹竟陵隘落落行間生拘束入眼
 翻疑東野寒孤峰秋氣低茅屋時世紛紛作者多訶詆互尋
 如轉轂豈必前賢畏後生大樹蟬蛸鎮相觸我生未老壯心
 降逢人便欲低眉服中年哀樂來無方陶寫不煩絲共竹森
 然老筆稱詩禪高冠大劍心神肅就中欲廢阿同篇妒他兄
 弟連牀宿古今羈旅同三歎銅餅啣啣茶香熟夢醒繞榻涼
 風生寧羨長安米十斛

作長篇純以大力舉之有鯤鵬攬海之勢

大理石屏歌

點蒼千仞凌青冥嵌空異質光鉞呈鬼斧割雲破寒玉磨礧
 彷彿崑崙精意匠天然殊結構流傳近遠輕丹青往代承平

貴異物局摩萬里馳神京探奇歲歲迎中使任土時時貢內
 庭帛纏瓊裏那易致公私坐困何由停漢家田寶爭高下網
 羅尋丈相凌競自經劫火多棄擲銅駝寶玉埋棘荆宣王石
 鼓俄成日朱門廢苑空秋螢健兒藉背苦寒硬百錢曾見來
 雙屏初年有用石屏為炕者舊偶逢舊識三太息摩挲苔蘚
 還精英少傅平津勞位置高屏八尺光晶熒峨眉積雪亘天
 半元暉妙筆紛將迎轉頭又見林壑趣群峰明滅秋陰生朝
 昏濃澹非一致卧游頓覺神魂清同時品勝盡名輩長歌短
 詠題縱橫我生不幸閱衰盛此屏零落同轉萍有眼不復見
 奇蹟夢中突兀傳其形夜郎去滇未千里亂山峴嶼聯昆明
 經年得屏徑踰尺虛堂對峙峰巒成颯然秋爽堪拄笏烟鬟

歷落雜陰晴晚雲一抹天如墨就中風雨疑碎句南中萬事
是○作○歌○本○音○俱蕭索小物何當關重輕榮悴幾年看轉轂傷此茫茫今古
情君不見珊瑚三尺來御府衛尉園中碎如土石乎石乎爾
慎勿學電飛星隕落人間天柱終勞五色補
為一石屏寫出黃屋朱門
一段感慨此歌始為可傳

雨雪卽日用韓退之山石韻

南荒陰盛白日微十月行盡寒葉飛夕風颯杳栖鳥墮中庭
草暗黃鷄肥物化詎緣風土異黠鼠登案文書稀空山黃獨
那易得拾來橡栗充客饑千峰萬峰紛在眼三旬五旬時掩
扉欲斷不斷角聲咽石門煙霧遙霏霏官閣閱人多代謝屋
角冬青今數圍乘燭攀條坐嘆息泠泠飛霰沾裳衣男兒一

麾非得志駑駘何事仍金鞵到官百日未罷去卻愧淵明彭

澤歸

筆力排宕頓挫殊自傲岸絕不知有用韻之苦

微雪用蘇子瞻聚星堂雪詩韻

光○景○寫○得○寂○然○筆○力○亦○傲夜來飛霰響牕葉把燭行看一寸雪映戶攤書不忍眠清光
凌亂爐煙絕荒堞沈沈漏漸稀夢中愁歷冬青折臥聽禽聲
遞斷續起看山影紛明滅無絃尚欲對客彈有肘何妨任人
掣橫斜一枝吐方萼已勝繁花明于纈天意平銷瘴癘多當
空鬼斧琢冰屑皓潔由來難久畱瑤華過眼成一瞥卻似故
人惜別離對酒殷勤不能說老樹無聲鈴閣靜寂寂臨池研
如鋏從雪中真實受用方能作此

秋日雜詩用何大復韻

秋晚重陰逼邊烽暗不生旌旗寒舊壘鼓角咽荒城小閣群

峰對空塔獨鳥行蠻方渾未化端坐愧華纓

年年驚落木關塞響高風去國親殊俗經時類轉蓬路長難

見鴈身弱易成翁門向空山掩蒼然夕照中

鄉思兼別恨心切海雲邊瘴癘愁侵鬢江湖憶泛船人間千

嶂雨秋老百蠻天又見如鉤月新懸銅鼓前

長庚明近月寒影迴臨城烽燧冷方靜欖槍且莫生亂巖聞

虎踞野戍喜雞鳴敢薄三苗俗空高史隱名

夕岫

夕岫明寒燒流輝迴照城春風吹不斷芳草幾時生苗穴晴

疑雨山田獵代耕還聞椎結輩終日競蘆笙

寫蠻俗如見

貴陽雜詩

赤甲遙連楚烏蠻近接川山高斜有徑江窄不通船建節風

霜逼當門霧雨旋公田催種秫彭澤意何堅

往蹟龍場宰青螺記尚存雞豚紛異域瓜豆憶中原野稻明

寒郭苗歌出遠村遙傳充國議屯牧正須論

橐鞬千部肅烽燧萬山連嶺嶠誰開鑿珠崖合棄捐煙鬢紛

入望椎髻細堪憐去住會何補遐荒過一年

諸作

郎當張袖舞地窄比長沙文嶺明如繪盤江山似巴鄉思青

社酒樹影赤城霞

時紫薇盛開

海錯嗟難見中廚始薦蝦

九日東山登高

危巖東郭寺。今日記初登。黃菊渺何處。丹楓淡幾層。螺峰青
可數。筇杖勇堪憑。縱好舒遐眺。鄉關見未曾。
更到孤亭上。偏多落木風。途窮鴻雁侶。秋老蜨蜂叢。樹繞雲
根出。人穿石竇通。低回紛欲下。流影暮光中。
二詩神骨健聳

董默菴編修自滇還朝賦詩為別

太史中朝舊掄才。異域還夏辭丹鳳。闕寒過碧雞。山疲馬穿
千嶂雄。文論百蠻送。君愁歲晚楊柳尚堪攀。
看雲同故國。把酒話天涯。且共平原飲。寧為賈誼嗟。蠶叢衝
新○情○溢○發雪候鳥道。採風車去去。逢人說余今鬢已華。
爾秀發

天未遇故人
染翰淋漓固

壬子元旦

霧雨霏霏擁亂山。憑高何處早春還。風煙銅鼓寒千帳。歌舞
銀幡紀百蠻。荒榭樹經前代古。殊方人比去年閒。卜居定不
煩龜筮。卑溼終難滯此間。

四月行盡陰寒逼人曉起戲成一首

麥秋寒雨隔簾生。侵曉鳴灘轉近城。節逼黃梅初作瘴。山鄰
紫犄乍銷兵。偷閒擬種檳榔樹。迎暑何勞促織聲。五月披裘
良不惡。古人風致異鄉情。
黔中風物足備一
則而詩亦溫秀

用鄉中法釀酒初熟小飲即事

吹角邊城送遠雷。碧筒曲曲試新醅。蛩聲暗入三秋健。釀法
遙傳萬里來。羈客漸看孤樹老。群峰不放晚雲開。翻從漉酒
添歸思。種秫能堪更幾回。
題佳詩更佳非中
丞韻人那得有此

閨秋夢中為紀行詩醒時因足成之
 客思江流一倍長何方煙月記微茫層層漁火依瓜步歷歷
 風帆下建康六代銷沈人盡老三山明滅草全荒秋來泛宅
 尋歸夢款乃聲中號漫郎

風姿直是六代

歲暮用李空同韻

科頭晏起渾無事絕徼蕭條歲暮風旅食關心千嶂外蠻煙
 過眼一年中草青繞屋垂垂長泉白穿城曲曲通更欲憑高
 望雲物居人指點隗囂宮
蒼蔚
 銅環寶布市紛紛賽社居然爆竹聞苔老色憐經雪綠梅疎
 香自隔簾分寒潮遙接沅江雨毒霧虛疑蜀峽雲春鳥不煩
 頻喚侶年來心斷北鴻群

游蹤雙屩許相攜馮瓜高牙只暫棲古箬雲濛山鬼笑荒城
 月黑蜀鵬啼檳榔驅瘴全勝酒筇竹扶人穩過藜他日茅齋
 追往事歲除州紀夜郎西

三首老筆淡情秀思麗米無所不備

見市上鵬鵠

清秋為客易生哀汝亦間關萬里來苗語自然難得似舌卷
 且莫向人開

諷諧自妙

寒柳

長條貼地憶三眠剪剪風輕拂檻偏曾在永豐坊裏見憑誰
 深護日南邊

遷客不堪讀此

二月十三日雪中作

櫻桃開徧羃輕綃寒影還疑蝶粉飄北客莫驚南雪少紛紛

猶得過花朝

媽然有致

張山來曰詞賦之盛首推西清而山左尤擅其最如田公
綸霞顏公修來謝公方山皆矯然獨出者而實菴曹公則
深沈博麗衆美悉兼近復荆華全以識勝朝天諸作得
之車塵馬足間而精詣如許真不可及至中丞公宿為詞
場領袖先生評云深思老筆揉以清蒼嗚呼其盡之矣
西樵宜曰昔人云青山綠水中作二千石是第一快事新
吳劍山水佳勝而近得中翰曹公來治吾郡詩才文筆炤耀
巖巒固為天地絕而甫蒞漸江旋承輶端往來燕齊道
上著朝天集河聲岱色盡貯奚囊他時搜勝天都發為
詩歌靈輿當復奚似及讀中丞公黔行黔寄二種挾怪武
谿闢奇貴竹直與康樂柳州同垂不朽宜孝威山來之亟
為欣賞也

魏善長

與同念廬江南繁昌人浮樵近草

候梅

歸杖探梅信衝寒觸朔風花遲一月後人瘁百憂中香以經
時老詩因待汝工巡簷將欲索擬醉白雲叢

憶爾如良友何堪歲別離雪深懷獨往雲冷夢相期似覺澹

香動還驚疎影移凭闌惆悵久底事晚追隨

野外俱尋遍一枝何處妍日蒸雲氣活凍破雪痕鮮料不遲

冬日猶如隔小年含情徒脉脉倚盼未春先

候字上傳神繪影獨見老瘦固為出塵

寄酬冒辟疆徵君

每聞水繪遶清谿中有亭臺幽可栖泉石漣漪通徑曲林巒

蒼翠與雲齊。半生朋輩常。權聚四季琴樽。不厭携。昨有新詩。曾寄我。幾回吟咏。絕攀躋。

水繪荒穢已極。惟水石依然。余嘗托寓其中。著有詩八首。與同

此作竟如已歷。正堪移贈主人。

侯梅詩後詠

攤書獨坐歲寒經。日望春光戶未扃。幾次黃昏天欲皎。一番清夜月微醒。山中消息傳藜杖。林下丰神冷竹屏。為問東風如解意。早催孤韻到茅亭。

竚望休教憶武陵。嶺頭一日幾回登。每逢細雨看難定。但向微嵐思倍增。倚樹如聞香欲近。攀枝將訴怨何曾。壽陽宮裏春多少。珍重題詩剪素綾。

壽躑只自惜風流。大壑煙霜為汝留。繞屋花魂虛窈窕。孤山

鶴夢尚沉浮。久要暮雪探驢背。漸覺春雲護隴頭。醉把挾菜

成一弄。轉念蕭柳月橫鈎。

獨自於君見。素心層巒幽徑幾。追尋將開不事金尊約。未放

先愁玉笛音。何處空香經竹冷。一枝疎影隔林深。清標應恐

群英妬好語。風霜莫漫侵。

有僂姿逸韻。涉筆最難通。靈此詩四章。則字字淵妙。

奉別沈天士和韻

同是葫蘆閉影人。蕭蕭花竹寄閒身。眾香有國堪安隱。萬卷為城不厭貧。徒步都忘公子貴。布袍愛與衲衣鄰。燭窓夜話驚新夢。屈指甘陵二十春。

憶予與令兄訂交最久。

撫事傷懷。總如春夢。發為歌詠。何殊

向笛雍琴。正不宜草草讀過。結語

○僕○老○
城荒緣亂後人說甲寅年
花礫藏蛩語秋風冷
夔州難逢都督宴幸賴故人賢
又是重陽近芙蓉發水邊
用筆高人一層

過小孤山

○突○然○而○起○何○其○峭○且○
忽怪江聲急中流擁一峰
懸崖猶置屋隔水但聞鐘
廬霍千山近荆揚九派衝
有時神女出風浪舞蛟龍
詩意沉雄

同徐松之先生遊五州山

每從江上望嗟峨春杪欣隨孝穆過
路入松陰纔見寺天低
山影半含波梁時輦道惟榛草
蘇老題碑贖薜蘿獨愛夕溪
流不盡時和清磬響岩阿
去其膚淺而仍無刻畫之跡
惟覺清蒼勝人

同友人遊鶴林寺歸飲竹園

黃鶴山邊策短筇寺門空憶十三松
寄奴泉冷蒼苔遍米老

碑殘亂草封清磬忽驚孤鳥去
歸僧時向小橋逢相携更覓

爐頭飲愛看新篁翠影重
幽情有致

秋霽同羅魯峰西叔兩先生登銀山晚酌潮音洞

連朝風雨喜初晴曲磴無塵蟋蟀鳴
山氣漸寒林葉落江光不定夕陽明
欲尋孫楚村居杳山下有孫楚村得共羅合詩思清不

管寺鐘頻報晚還留洞口酒同傾
清潤漣漪着紙欲濕

秋日同李書城羅西叔魯峰程千一諸先生集清音閣

雨過遙天縱目宜况逢勝侶足追隨
幾盤石磴臨江出一抹秋雲傍閣垂
林葉漸疎漁艇見風濤不斷寺鐘遲
酒闌更憶山中客叢桂香生好賦詩
是日何雍南江風山月先生不至毫端如見

立春日同殷瑤簡吳叔子宗子發殷彥來家明永集閑

賓連先生南郭草堂

城南地僻足幽栖乘興相尋路不迷為看寒梅携斗酒旋挑
生菜問鄰畦樽前白髮多遺老門外東風入舊溪向晚竟忘
歸履遠月明花下更留題

楚楚有致是
劉文房一派

壽丘旅舍訪徐松之先生不值

幾度相過但掩關飛飛燕語一庭閒也知客裏無他事不是
尋花即看山

寫出高興惟松
之不媿此語

晚步丁卯橋

緩步橋頭悵落暉許家別業已全非惟聞犬吠溪邊水猶似

當時咏夜歸

許渾有夜歸丁卯橋
喬響犬遙吠之句

風流如在
令我神往

若千會浮家京口攬江山之勝故其詩清婉秀拔
螺光練影掩映行間徐松之閱賓連屢稱詡不置

吳從殷

尚木江甯歙縣人
問遊松鱗二集

靈隱寺

不盡湖頭興閒遊愛冷泉黃鶯啼竹裏綠水滙亭前路折峰
尤幻山靈草亦鮮僧家偏好事臺閣礙雲烟

雲栖

西湖春色滿偏不到招提綠竹凝秋色紅泉引石梯雲從諸
梵合塔任老僧栖樹影山花裏禪心喻鳥啼

愜

刻意不欲猶
人卻風調自

虎跑泉

石痕餘指爪云是虎跑泉寺遠苔陰滑潭靈水氣仙雪香穿
一徑月色冷諸天淪茗蒼松下清風到客船

筆有
僊氣

桐江舟次

乘風飄葉去不及○老○謁桐君夾岸花皆合○遙○山樹不分潮迎七里浪松見九頭雲雨霽春城曉泉聲半岫聞○舟行望山寫景最合

江山道中

杜鵑紅遍野晝夜杜鵑飛鳥急○不○離○利○而○自○妙○愁春盡花濃趁日微縱無尊可對儘有句堪揮放眼塵寰外聞雲擁樹歸

仙霞嶺

突兀復迢迢○其○千山夾路高徑崎憑倦馬關鍵落飛濤木末龍旂麗雲端竹屋牢金湯特巖谷甃石虎臣勞○從○來○如○此○荒險○寫盡

黯淡灘

纔聽溪聲響橫山激怒流子規啼木末細雨灑船頭澎湃因○合○說○妙○妙○

風鼓噌吰與石浮臨深知養氣從此壯扁舟

片雲菴

濃陰曲澗裏片石臥雲岑僧懶不迎客鶯嬌數出林山寮浮竹影谷水冷禪心鎮日無人到爐烟遶屋深○真○清○淨○道○場○

烏龍江

已買登山屐還尋問渡船蛟龍風正濶虎豹石爭懸鳥道憑人過龍江任塔穿沙場逢悄日烟樹更茫然○雄○風○歷○落○不鑿險入幽不是閩中詩

此作正喜其獨造處

楓亭驛

一片帆飄泊平林幸不秋荔枝雖寂莫楓葉自殷稠晚店驚宵犬前村伏海鷗何時風浪靜行路得優遊○此○句○異○

洛陽橋

渡海從橋上標奇踐洛陽氣因題柱壯才乏濟川長日影侵
○覺○江○聲○風○色○動○人○衣碧雲光罩水黃旌旗飄岸渚行色半蒼茫

龍江

是日江東橋大戰

跋涉干戈裏龍江倍悄然砲聲喧巨鎮羽檄走長川卸酒聊
謀醉軍城盡怯眠主人情意好遠送更惓惓

此其氣

江東橋

龍江去不遠慘淡逼沙場烟火風雲暗旌旗晝夜狂蟲沙驚
戰沒罷虎尚飛揚何日重新耨畝田不苦荒

題李秉馨石竹園

一片蒼苔石千竿綠竹林山環添洞曲草色好助雲深密葉長
畱雨疎風不斷琴結廬幽谷裏寒暑滿窗陰

次韻送別潘秉維

詩有幽蒼之色

欣然君就道惟我尚淹畱素結家園夢新添客地愁丹楓懷
遠路黃菊訂同遊暫別還相聚三山烏石頭

穩當老確又是集中一種

秋興二首

所逢既不偶須重此孤身一劍含秋水雙眉照古人論交知
已少散髮異鄉頻蓼荻寒江外飛花數落塵
鄉思惟醉酒酒去復蕭然問世看流水追時惜往年古今催
逆旅天地老孤肩顧我空餘劍窮通莫謂緣

能為曉削語

旅舍除夜

忽○然○年○又○盡○幾○度○對○椒○盤○故○國○梅○花○發○他○鄉○酒○興○寬○挑○燈○詩
一○卷○看○劍○思○千○端○莫○謂○情○難○遣○還○須○耐○歲○寒
秀 疎

丹霞秋日送張若千歸都門

丹○霞○兩○度○碧○梧○秋○君○上○春○明○我○獨○留○薊○北○風○雲○新○國○士○閩○南
烟○雨○老○鄉○愁○看○花○索○笑○誰○同○調○燒○燭○論○心○憶○舊○遊○黯○淡○荒○城
○無○窮○思○不○盡○兼○葭○紅○葉○滿○溪○頭○

九日遊萬善菴同張木上奚詵如潘秉維王菁公呂渭

齊王吉士諸子

肯○為○登○高○興○悄○然○黃○花○莫○酒○政○懸○懸○但○聽○九○日○心○先○醉○未○上
震○山○帽○已○偏○草○木○變○衰○魂○夢○裏○旌○旗○縹○緲○祀○壇○前○相○逢○盡○覺
傷○情○事○楓○葉○猿○聲○滿○碧○天

秋日感遇

秋○雨○紛○紛○濕○綠○苔○一○湖○烟○霧○幾○時○開○但○數○花○蕊○疎○還○密○莫○問
雲○情○斷○復○來○几○上○有○書○堪○識○字○匣○中○看○劍○且○盈○杯○閒○窗○檢○點
平○生○事○壯○志○于○今○漫○欲○催
壯心 勃發

靜○對○閒○雲○仔○細○看○庭○前○景○物○思○無○端○花○開○旅○舍○情○偏○寂○月○照
孤○衾○影○自○寒○撩○亂○鬚○眉○宵○夢○短○淹○留○天○地○酒○杯○寬○紛○紛○北○雁
頻○迢○迢○到○處○應○悲○行○路○難
○嫌○懶○悲○歌○

一○片○湖○光○鶴○唳○修○蒼○葭○紅○蓼○自○悠○悠○輕○風○細○浪○村○烟○晚○淡○日
閒○雲○木○葉○秋○夢○裏○詠○諧○應○有○意○眼○前○消○遣○獨○何○由○登○樓○野○望
無○邊○思○滿○地○漁○翁○動○客○愁
○問○得○好○
有○擊○碎○唾○壺○之○槩○而
風○旨○隱○約○引○人○遙○思

邗溝春遊和李千六原韻

春郊一望草萋萋。畫舫邗溝度柳堤。簫鼓遠來應有曲。鞦韆人在小橋西。縹緲不盡

隋家今古艷揚州。一望平山烟樹浮。江上青峰時滅沒。廢興何限此粧樓。含蓄得妙

過長城姜女廟
馬蹄蹂雪過長城。古刹頽垣看不真。路上人傳姜女事。松風猶覺淚聲聲。予姜女自在言外

偶題三美人畫

三婦姍姍有所思。尋花問水共栖遲。徘徊豈怕蒼苔滑。無限深情繫柳絲。風情婉約
嚴滄浪云征戍行旅唐人多好詩觀吳子身歷戰地吟嘯之聲與金鼓相答宜其盛矣松鱗堂詩亦自崎嶇歷落

陳煥章 觀齋福建晉江人
北行草

酌突泉

一路敘次明斷何減道元水經
泰山迤行西北顧勢若龍飛與鳳舞層巒聳翠萃歷山復有虎牙華不注數峰迴抱列屏垣歷城垣裏如窩釜環城小聚大明湖川流不息城西澣方池酌出三突泉千秋萬古不記年寰宇名泉七十二獨此推為第一先三泉位置分仲伯少者居後長者前白玉峰頭飄玉屑珍珠樹上撒珠圓乍疑滄海鼓濤浪翻為積雪落地濺驟觀目懾聽復炫道是神輸與鬼穿君不見錢塘江上日三潮潮頭遠勢連山高盡云勝槩絕天下還從大海激怒濤何似此泉居清淺聯綿洶湧瀑喧號靈奇物理難推明總緣蘊鬱洩不平試看平地地震巨雷也

由伏隱發轟聲

敘述摹擬收拾是以古文紀序手為詩者才大法高具見崖畧

解衣篇贈家總戎偉臣大姪

世既衰道復微翻覆人情事日非不見綈袍戀戀意惟見裘
馬自輕肥吾宗北府有古風好賢樂善與人同鮑管分金無
足數解衣偏贈白頭翁白頭老子本癡頑去國離家萬事艱
當此嚴冬思溫煦藉有重裘為禦寒盧龍塞上雪漫漫羈客
行歌蜀道難被來徧是陽和氣且看釋褐上朝端朝端振謁
聖顏歡頒爵王侯及從官黑貂繡綵映紅日衣被微臣身更
安不獨感念綈袍而躬逢盛世千載一時讀之令人神動
甲子夏進京寓三衢清湖登山航山作
幾日炎蒸嶺嶠來驅車問渡向江隈無緣客下南州榻猶幸

居停般若臺滿壑松音驚細雨一池蛙鼓聚輕雷小臣不作

登樓賦聊記萍蹤認往回

燕地軟塵十丈乃有此清淨道場此詩所由迥別

客燕和完公秋梵

客路秋深霜葉紅鐘聲十里梵王宮無從五柳尋元亮猶信

三生逢淨公縹緲靈山芝草少寂寥北海酒尊空黃金改館
招賢地憑弔昭王蔓草中

托跡巖阿與自幽雲霞為侶共薰修雖云結制當初夏更作
悲吟入九秋貝葉葩詩同梵鼓宰官衲子任虛舟蘇門一嘯

今猶響彈指闔浮水上漚

二詩思力沈厚卻和適有餘

賦得滿城風雨近重陽

烏飛兔走歲華忙去國離家鬢已霜半榻琴書娛旅况滿城

風雨近重陽殘楊古岸飄搖盡瘦菊東籬次第黃此日孟嘉
因帽落千秋佳話喜清狂

古刹巍峩倚碧蒼登臨遠眺海天茫聊將一掬鄉關淚散入

三秋騷賦場幾處簫笳驚客夢滿城風雨近重陽頻彈短鈇

當風坐敢為無家累孟嘗

當龍山盛會之時為藍田感興之作一曲騷涼簫笳較響觀齋先生讀書抱經世之畧而撰著直逼史遷區區檄書箋記之長非其所擬詩亦英毅而蕭騷獨見崖畧

林世俊 唐侯福建莆田人

九日和前題

郭外烟雲接地蒼天連波浪轉微茫漁人網集蒹葭渡壯士
弓鳴校獵場到眼冰霜添客恨滿城風雨近重陽渴嫌卑卓
千杯少潛把醇醪倚甕嘗

寫景蒼涼一結饒有興味

陳秉樞 叔霞福建莆田人 篋中剩草

戊午仲春重過月峰寺訪僧聞復

憶我自髫年慕道心頗堅每入龜洋寺即過峰頂眠吾宗老

禪秀碧眼虬髯卷相對坐明月烹茶汲細泉談詩有別竅慧

業勝惠連聯吟無朝夕藜杖去復旋何期遭變亂離別渺雲

烟從戎非素志貧賤使其然出門神惘惘千里赴軍前軍中

有何樂鞞鼓日喧闐草昧真蠻觸殺傷徒可憐暫時聞道返

親戚慰生全娶妻既生子家室小團圓臘月朔風漂明珠掌

上捐正身春風厲山妻斷夙緣一身雖無累世事復相牽重

來叩禪室石路草芊芊青苔卧龍象丹樹泣杜鵑登臨多弔

古撫景淚潺湲復公揮塵說劫數已在先吾生大感悟萬事

付○蒼○天○

自序真切其了悟處已證無上菩提

歲暮入穀城訪余全人及人看殘梅

屢○失○梅○花○約○故○人○一○水○遙○情○深○頻○獨○在○歲○暮○復○相○招○十○里○香○

仍○在○千○山○雪○未○銷○更○憐○明○月○下○疎○影○亂○溪○橋○

喜晴懷余及人

曉○起○雨○聲○歇○開○窗○日○色○親○斷○雲○飛○欲○盡○雙○燕○語○還○頻○白○水○添○

新○漲○青○山○見○故○人○樓○頭○今○夜○月○待○汝○話○逾○真○

字字是喜晴

暮春寄林白也

憶○汝○讀○書○處○雙○溪○竹○屋○中○梨○花○飄○細○雨○燕○子○落○微○風○空○谷○詩○

懷○滿○幽○林○客○夢○通○淹○留○春○已○盡○採○茗○興○還○同○

龜山寺

古○刹○千○峰○裏○行○迴○一○徑○遙○高○吟○聊○自○遣○大○隱○不○須○招○夜○雨○抽○

茶○葉○春○泉○長○藥○苗○尋○僧○頻○得○趣○何○必○問○漁○樵○

清潤

人日有懷

他○鄉○逢○七○日○故○國○別○三○年○南○郭○春○光○寂○西○江○烽○火○連○有○心○依○

豹○寨○何○計○試○龍○泉○獨○攬○菱○花○照○愁○顏○倍○可○憐○

和蘇熒功同月川上人遊石室巖韻

聞○君○逸○興○動○每○到○白○雲○間○結○伴○探○幽○徑○尋○僧○訪○故○山○戰○場○餘○

感○慨○勝○跡○任○躋○攀○欲○覓○留○題○處○苔○花○篆○石○斑○

過洛陽橋

七○十○二○門○下○寒○潮○日○夕○奔○人○功○愁○海○若○鬼○斧○鑿○山○根○石○壘○螭○

蜃○屋○沙○翻○郭○索○墩○誰○為○梁○柱○客○車○馬○日○塵○喧○

奇古

中秋寓榕城銜遠樓對月

高樓銜遠影玉露下人間詩酒交情厚主賓相對閒燈光聯

兩塔月色滿三山歸思秋風動中天叫白鵬

秋泊仙谿

猶是仙谿泊離懷向晚生嚴霜凋古樹寒雨過孤城初月明

還暗新醪醒復醒淒涼今夜夢蘆荻亂風聲

秋晚同余及人泛木蘭

葉落江寒景可憐片帆高挂渡平川百流灘漚將軍下雙廟

瀾迴長者前桔柚霜多黃遶岸蒹葭露冷碧連天千年一水

分南北落日停舟倍黯然

仲春過雪巖訪月川上人

支遁幽居何處尋去城數里入林深十年處士山中夢百歲

高僧雪後吟小徑蒼苔原寂寂空庭古木自陰陰浮生半日

紅塵隔相對春風話素心

病寓樵川同林湛舟登壽山寺訪蘆雪上人

病渴同君叩上方纔過半嶺覺清涼雙泉已度琴聲響一徑

漸聞花氣香怪石盤松形自古名僧騷客興都長禪房未盡

三生話握手山門悵夕陽

登高

故園烽火隔三年此日登臨倍黯然第宅傷心無隙地旌旗

望眼尚連天沽來白酒難成醉看到黃花易可憐最是不堪

佳節候滿林紅葉任風顛

九日同友西岩晚眺訪石竺和尚

故園數友不相忘佳節招攜興日長古寺竹窗悲晚笛新城

粉蝶怨斜陽有花到底供愁眼無酒何緣改悶腸別况多年

期共訴不堪今日轉淒涼九月詩須帶悲涼感觸意為佳此詩清辣乃更騷屑

遊麥斜岩和行濤上人

竹徑欹斜洞口門雲深剝隱晝長昏鼓鐘靜處尋僧少樓閣

空中見佛尊具眼原無全世界安心別有一乾坤吾師欲盡

探幽興樵谷遺蹤次第分

見巒嶙

西岩懷舊

吾家少保黑頭歸別墅經營樓閣魏錯落池臺三島勝亂離

兵燹一丘微剩山殘水逃荒草古木寒鴉叫夕暉莫嘆當年

秦炬惡滄桑近事亦依稀

聞地蹂躪不堪此借屬林發慨字字令人酸鼻

登九座塔

萬丈丹梯挂白雲停車緩步叩禪門山深樹落猿猴果剝古

碑畱篆籀文舍利千年藏石塔僧伽數衆出烟氛鳳皇頂上

還同眺尺五青天似可捫

遊南山月峰

月涪菴叔蔡季白堯珍弟

芳郊攜手陟嶙峋結伴還尋世外春剝古千年存浩劫山空

半日離紅塵入林始信禪心寂解綬方憐宦况迤回首峰頭

初月上鐘聲閒送晚歸人

夷猶自在卻深義獨參

喝水巖

聞說高僧此坐禪溪聲日夕尚潺湲定中一喝源流返天外

千尋石勢顛絕壁苔侵唐宋字懸崖杖指蕙蘿篇摩碑欲盡探幽趣閑倚危欄看暮烟

達摩洞

玲瓏怪石復噴吮乘興躋攀到遠巒洞裏有僧仍面壁崖邊無客不憑欄懸蘿月上推窗接峭嶂雲歸隔竹看更欲留題標勝跡蘚苔古篆剝成癩森然者其骨黝然者其光

遊五臺大乘寺懷石竺和尚

欲叩南禪上五臺巍哉大乘亦雄哉虛廊過客瞻金像舊址尋僧問劫灰屋後還尋龍首澗石邊猶長鳳毛苔當年惠遠栽蓮地猶剩鐘聲出草萊撫奇領異運筆天然

仙霞關

閩嶺雄關此最峨百年幾度笑投戈一夫漫說當關守萬馬纔聞近日過叠叠奇峰懸峭壁層層曲澗落清波停車久望猶揮淚雞犬聲稀破屋多祗形容風景無大關係叔震從古今戰守着想故能警動

建溪舟吟

建溪三百六十灘上灘不易下灘難往來行止憑舟子舟子行藏倚竹竿似竹枝

霜後楓林兩岸丹層層樓閣俯波瀾峰巒可惜當前過正欲題詩又上灘是爾時情事寫來最快

叔霞先生時而論兵時而學佛時而酒社詩壇蓋異人也年已遲暮事業無成類避地之田疇托登樓之王粲相逢江上感慨為多出其吟篇光焰奪目昌黎所云詩窮後工殆君之謂耶余兀坐董樓蕭然絕爨把君詩似飽閩地之海錯山珍能無欣快累日

元

珍

慧珠謹庸江南長洲人
京邸偶吟

彭訪濂寓齋小集

鬱鬱久居此。屏跡寓荒徑。良友常招要。揮杯發清興。促席戲探鈎。坐久醉復醒。惆悵暮歸來。人散寒烟暝。
蕭然數筆
閑觀有餘

送吳琇弁南還

風味絕佳惜別尋常事。客中更甚歡。離心夕陽外。歸思暮雲端。馬渡滹沱冷。風吹易水寒。到家相問訊。為我報平安。
雅恬

家大人將歸敬呈

萱草凄凉歲月非。金門親舍幸相依。花磚隨直朝加膳。玉漏同聽夜問衣。游子尚憐歸夢杳。達人早覺宦情微。東山絲竹東籬菊。願奉藍輿志不違。
深情依戀發為
文詞自爾愷切

許維樞

松年黟山江南武進人

安定書院

在蜀剛今
為五賢祠

維宋之四世。運啓文丕。作理學倡東南。先生秉其鐸。天子延大。臣講論天章閣。京師建辟雍。郡縣皆立學。湖州有成規。詔取為令格。先生籍海陵。秩祀在江郭。堂宇夙凝靜。容恒穆若。四賢列兩傍。儼若交酬酢。當其鼎盛時。游歌欣有託。距今幾何年。輪奐隨銷鑠。悲哉五賢裔。振興困力弱。伊余視邑庠。所與在禮樂。曩歲籲當塗。慨然思丹雘。官遷事亦已。序言存大畧。一望茂草蕪。所在紛燕雀。廊廡僅殘垣。廟貌俱剝落。願告有心人。同力為推廓。
寫衰頹景色令人嗟嘆
修安定祠是儒官要
務詩特古雅而哀涼

曹克生問道歸自粵西將赴闕補銓歌以送別

曩歲風塵暗粵埃有客敝衣懷墨綬半通纜縮卽王臣區區
報稱良足陋况有詩書勵夙心疾風勁草知名舊此日孤臣
此下敘

次極老

泣血殷此日豺狼恣戰鬪間行抱節出重圍進退復同魚在
留南瞻嶺嶠箭滿眼東向三方長戰守無且倉猝藥囊提杜
陵辛苦麻鞋走崎嶇羊角渡湖南關鳥道來江右那須剪
紙招驚魂且將秉燭看顏瘦大藩感慨馳封章卽拜除書恩
逾厚細看妻子一愁無忠臣義士天所授
寫間道從王之景紛揚雜遝覺

有烽色照人此種筆情最為英矯

題紫陽勝境和薩天錫石刻韻

山幻突起石爲峰負勢轟上何瓊瓏矯若黃山抽玉笋劃如
衡嶽秀芙蓉飛石嵌空成石屋蕭森猶映瑯玕竹摩挲古蹟

其徘徊欲傍仙亭碑下宿

丁仙亭卽野鶴遺蛻處

數語森峭

送家南交北上

與爾江城聚經冬又入春新詩頻過眼妙畫總通神
脩別隋堤柳將過易水濱金臺工市駿應遇九方歎
氣格極老

遊西施山

一名土城越王教西施歌舞地今入姜氏園中

載酒扁舟郭外遊若耶溪畔水東流雲疑冉冉髻
近風作珊珊環珮悠一片石留歌舞迹數尋臺繫盛衰由
牆圍花塢
風華艷冶令人心醉

登臥龍山

白馬烏臺失故山蛾眉片石掩禪關卧龍雲窟形猶勝飛翼
天門蹟未刪西北越峰羣拱揖東南禹績孰追攀憑虛更上

蓬萊閣疑與潮聲共往還越城入山白馬山房畧存遺址火
已似平祇留片石于蛾眉范蠡于卧足補遺事而
龍山作飛翼樓以象天門後改越望亭筆亦高峭

送春

一年好景春三月。澤國繁花照眼紅。悔逐飛鴻趨北闕。浪聽

語燕到南宮。蕭騷風雨江城暮。潦倒樽罍水驛中。時在漫道

韶華應惜別。銜杯無計挽東風。風格大雅不

卧龍山館曉聽鷓鴣

夢回山館旅魂驚。清切雙雙越鳥聲。正是欲歸猶未得。非關

風雨故留行。從行不得

楊柳風上平山堂作

隋路沿洞九曲池。堂前弱柳在風吹。平山不異忘憂館。得

枚生賦柳絲

風韻如

賦得二十四橋明月夜

廿四橋邊迹已陳。垂楊輕拂落花塵。只今明月還如舊。卻憶

當年歌舞人

平平寫去

昔與侍御許青嶼。先生飲梁谿。令吳留村署齋。又同集雒
臯。冒巢民邸。次作海陵大會。詩心禪味。種種宜人。江都廣
文。許點山則其令嗣也。道情冲穆。而風度凝和。對之移日
不能去。以近詩示余。典雅流麗。入之丁卯集中。幾不可復
辨。固家學淵源。亦資學並茂。力為騷
壇鼓吹。以訓邦士。宜其勃然興起也。

錢鏐鍊百江南吳縣人

贈采香林白公次韻

禪燈一榻火微紅。黃檗同叅在此中。放眼雲霄觀世界。談經

花雨助天工。琴臺泉響流餘韻。鴈塔鐘聲出半空。為問梧宮

○着○想○妙○妙○

○言○卷○三○集○九

○句○句○貼○切○禪○悅

○未○更○有○遠○情

○定○本

飲張湘曉鶴林別業
讀書曾愛杜鵑樓。霜葉紅時坐未休。別後烟霞長入夢。重來
松菊正逢秋。欲尋老衲精藍改。話到青山白髮羞。好是結茅
鄰。仲蔚不教城市隔林丘。
○是○泉○石○間○風○味
○而○筆○更○飄○逸

春日山中遣懷

休嗟老大減天真。造化盈虧與物均。錦繡風光慳熱客。窮愁
歲月賜閒身。求仙幾遇長生訣。學佛難拋歷劫塵。趨取青春
花月夜。酒醒吹簫報良辰。
○先○生○侃○侃○風○節○獨○立○不○移○解○組
○歸○來○入○山○學○道○陶○弘○景○未○之○過

也此詩蕭然物外吾欽其品

黃生黃白山樵江南歙縣人

登山至文殊院

步步踏水聲。行行出霞表。山頭一老人。招我共登眺。徑盤蛇
蜿蜒。松卧龍夭矯。側身入石罅。舉首見天小。高蹕同嘯猿。俯
視傲飛鳥。出穴超世界。轉境異昏曉。莊嚴文殊座。諸峰互圍
繞。勝地從古闕。靈跡由夢兆。及茲見鋪海。雲日弄晴皎。一望
兜羅綿。大地光晶晶。
○其○奇○矯○筆○有○虬○龍
○森○然
○古○鬱

閱黃山新志因成長歌

我昔遊黃山。因雨殊草草。未盡登臨興。已識黃山好。今之新
志試一披。身在此間心已飛。飛飛直上天。都頂恍似扶筇再
至時。一石一峰仔細閱。一巖一洞窮曲折。石筍矸邊目為眩。

詩觀三集卷之

四

慎墨堂

散花塢裏叫欲絕。禮月塔望仙橋。窺海門之闕。闔登蓮華之
 岩。堯鍊丹臺上朝軒。帝陛下至今幾萬歲。再拜跪求不死方。
 小臣欲度人間世。飲丹液兮食松花。餐沉瀝兮服赤霞。身生
 毛羽能輕舉。六六峰頭即是家。神為輪兮尻為馬。回頭倏忽
 還鄉社。却似遊仙枕上回。此身元在山窗下。
 才思如雲不可羈。制

賦得竹西路

歌吹古揚州。春風吹不休。清波明畫舫。綠樹隱朱樓。遊騎爭
 行樂。啼鶯豈識愁。戰場閒十載。士女又風流。
 純是初唐格調

送人游匡廬

廬山高不極。天外削芙蓉。古雪千年瀑。寒濤萬壑松。還持綠
 玉杖。拄到香爐峰。便欲乘風去。追君鸞鶴蹤。
 純以氣舉色調復爾高華

狎浪閣閣枕白龍潭

風波為客慣。飄泊任孤舟。不意到青嶂。此身同白鷗。晴雷轟
 石底。飛雨挂簷頭。禪榻中青夢。虛疑在舵樓。
 字字飛動

送朱古愚下漸江

當年謝臯羽。慟哭向荒臺。山鬼乘雲下。江濤湧淚迴。乾坤留
 正氣。草莽伏英才。送爾嚴灘棹。因風寄一哀。
 氣雄識高置身千勿

贈故將軍

出身曾事霍嫖姚。白羽瑠戈度塞遙。數騎獨聞當一隊。萬人
 同看落雙鷗。當年苦戰黃沙漠。今日傷心銅柱標。手注陰符
 空在篋。可憐功業髮蕭蕭。
 從盛唐脫化而出非錢劉可及

清明有感

已見柳花飛白雪可憐時節又清明齋前空長草三徑飯罷
初聞鶯一聲異國風光煬帝苑故鄉墳墓亞夫營松根却掃
知何日列郡隄防未息兵祖塋在東山近為鎮守駐營之地

采石磯謁太白祠

采石磯前江水橫謫仙曾此醉騎鯨山川竟落詞人手詩酒
能留後世名浩浩烟波流不盡遙遙秋月至今明錦袍畫鷁
知何處一繫扁舟萬古情風清月白詩心止遠

途中口占

處處深紅映淺紅驛傍烏相嶺頭楓秋山行旅真堪畫人在
陵陽古道中和柔可譜絃索

一木老人負介性曾勸蔣太史虎臣挂冠歸山而朱子言愚則其忘年之友詩皆落落遠俗而風格自尊余為特賞

吳鏘聞璋巫川江歸吳江人

金沙于瀛長使君病日八年復明頃承在訪偶談先工
部同官舊事愴然有作

通家推世好小子更何知水部同官日先皇全盛時相逢無
限意不盡古人思青眼重看處匡床獨拜遲情事寫盡固為可念

慈雲嶺永壽寺

在鳳凰山後宋慈雲公主道場內有仁宗御書磨崖碑

公主開山處慈雲古道場磨崖頑石古歷劫御書長遠水臨
羅刹前山繞鳳凰低徊何限意不必說興亡風音蘊蓄出以莊嚴

立夏日湖樓偶成

昨日韶光去不回客愁無奈髮絲催劇憐花柳遲游展漫脫
春衣換酒杯暮靄笙歌沉夜月曉寒烟雨尚樓臺凭欄看取

葵榴好一別東風次第開

七夕立秋西湖舟集寄內小碗

偶到西陵汗漫遊。春風花草又經秋。閉來把酒浮青雀。却憶穿針上畫樓。玉宇空瞻河漢影。金風遙送藁砧愁。神仙亦有經年別。好向天邊問女牛。
清思如雪

紫藤花下招諸同人張燈伎集

九十春光欲暮時。又開墻角紫藤枝。香深小院東風夜。翠挹朱欄細雨絲。銀燭照花星錯落。玉簫和曲月參差。韶華此際無窮好。爛醉揮毫酒莫辭。
香豔不減溫李

雨中渡江

曾記秋深來擊楫。今朝重截大江濱。霧迷遠水連天白。風吼

寒濤徹耳聞。隔浦難明瓜鎮樹。近城才辨蒜山雲。雨中那得

登鰲極坐聽齋鐘兩岸分

晴川芳草同此森蔚

立夏前一日淑慎堂觀女劇

銀燭疎簾映碧紗。玉簫檀板醉流霞。憑將歌舞留春住。常看

風前解語花

固是賞心樂事

當時聞說杜韋娘。見慣風流也斷腸。今日畫堂深絕處。蓮花

小隊奏西廂

愛其筆墨之瀟灑

偶寄

有客江頭最寂寥。自將詩酒伴昏朝。輕紈畫筴叢蘭小。遮遍

春風武定橋

如此何云寂寥

蕭蕭雙鬢已如霜。俯仰誰能不斷腸。碧水紅欄今在否。當年

花月大功坊

往來那 四截句想見 能記憶 各士風流

聞瑋才調擅乎松陵倡和兼之伉儷同騷壇之老宿洵藝苑之干城三十年前曾訪余于虎丘論詩千人石畔今再

遇于維揚以近作示余 愛其風麗亟為登梓 任紹曠 仲脂山西河津人

夏日溪園讌集

河朔當年飲同心此會稀高朋唱白雪深院蕩晴暉雨歇林

送別

良晤誠非易胡為君遽歸夢思隨去棹樽酒悵斜暉總使關

河朔間風調 竟如吳會

程先澤

送吳鼎若雲逸之廣陵

羨爾在輕舟良友依然得念我滯家園翻類羈旅客庭際北

響山潭

石磴老笛怨江關嘯聚何年事遺墳尚草間

佳下便一 筆掃去

夜渡嚴州

二月晴光好孤帆向夕輕碧流侵淺草暝色帶荒城月出蒼

三折江

江流如矢直到此幾迴環。潮汐會無異。檣帆自不開。虎啼添
客恨。猿嘯損征顏。袞袞烟塵裏。鄉園何處山。
涼涼可畏

舟宿錢塘值雨

○好○景○
片帆收不夜。春水正浮天。海上陰雲合。江頭暮雨懸。漁燈明
寂歷。軍鼓半喧闐。此際愁何限。長歌更可憐。
詩與地稱吞吐皆有烟雲

望金山懷蔣前民先生

○寫○出○金○山○
片石峙中流。驚濤萬古愁。南徐頻悵望。北固且淹留。擊楫人
空老。聞鷄志未休。樵風明發便。此去訪林丘。
情景次第寫出

寄題箸嶺亭子

猶記當年逐伴遊。蕭蕭落木下深秋。閩多猛虎疎人跡。見說

帝猿動客愁。趁利收題新。日月茅亭仍著舊。林丘惟來不
乏

登臨興頗有。詩人到上頭。
興味正自別

吳寅 秩三江南歙縣人

送吳雲逸歸里省觀

古道不可極。處處深寒烟。殷勤念爾祖。拜命歸潞川。棲遲野
店月。山夜自娟娟。行者足愉快。送者轉凄然。丘墓久荒草。余
生愧未旋。○真○話○
○豈○不○返○囊○乏○青○銅○錢○

同汪梅坡太史夜泊秦潼待酒不至

黃葉紛紛下。船頭月。熠燿村。膠何處。覓田雀。正初肥。水濶漁
燈亂。天空牧笛稀。一聲何處鴈。故故傷人飛。
寫野泊光景如畫

哭吳野人先生

東淘凶問至竟夕雨蕭蕭肺病何時劇詩魂不可招日暄新
草木月冷舊溪橋今日隣翁碾還歌野叟謠先生有野人
碾傭歌交游
盡是新安故其
舊友多哭之慟

真州宿高氏江上草亭

一葉飄飄至樓頭正夕陽江烟生別浦山色過征航午夜濤
聲濶春宵茗味長不嫌高枕卧龍氣任蒼茫殊覺風
濤滿耳

秋江夜月

蕭颯涼風玉露溼長空流月動波瀾鱸魚漫說秋天好楓樹
如聞夜雨殘萬頃蘆花飛渚白一聲羌笛落江寒蟾光今夜
渾無賴寄語愁人莫厭看詩如澄
潭皎月
吳啓鵬雲逸江南歙縣人

送程子乘歸里

程生何所為十事戾其九枳棘無可栖故枝聊足守從來高
士軀寧落風塵久景光矧易徂骨肉當聚首新安習于長
遊此勉以還

鄉風旨
温厚

贈蕭靈曦城隅新居

喧闐車馬地未可說重綸只此城頭月時窺林裏人讀書能
避俗作畫豈知貧為語陶元亮母令負葛巾飄飄有逸韻
似靈曦之為人

自里中來邗余青巖招飲深柳堂

纔輟真江棹招携入柳陰飲君新釀酒慰我故園心漁笛吹
殘照山烟帶暮禽素懷欣有托薄醉與高吟情真而
體潔

此句後

登玉山

荒草玉山寺殘陽鐵甕秋。偶來江上客暫倚竹邊樓。獵馬黃雲裏漁帆古渡頭。移時風浪起棲鳥故啾啾。

京口為屯戍之地故遊止者每多興盡此詩不嫌寫出

真州別扶蒼

爾我不得意空然去故山如何幾載別依舊兩人閒。久客心彌壯多愁鬢蚤斑。獨憐當歲暮辛苦雪中還。

辨吳野人當年亦從此入手

歸澂溪

澂谿客倦歸谿口雪霏霏。邨酒賒還得園蔬摘。正肥課童營屋漏散帙待晴暉。數載勞行役深慚此釣磯。

喜色浮于毫楮

贈李壺菴先生

大雅今淪落先生靜掩扉。抱琴依古樹擁卷對寒暉。故國頻遭水他鄉且下幃。詩篇推正始知已莫愁稀。

以壺菴詩為正始固是知

蔣子前民攜三君詩至余讀之清而健細而圓絕去塵氛獨存澹致其做法陋軒之高調者耶炎暑蒸人穉穢罕過把此一卷如坐短壑青松中鬚眉盡冷

沈白 貢園江南華亭人

端居

晨興理巾舄清泉盥吾手。端居讀周易乾九玩初九嘉遯貞。龍德無悶故無咎。遐哉莘野民邈矣渭川叟。忘情托垂釣樂道在畎畝庶幾梁父吟。千秋稱尚友。

類有道者之言

集吳香來齋即席分韻

高會重開鳳羽堂寒宵剪燭競飛觴
閒雲出岫知何定細雨催詩也不妨
有客狂歌寄懷葛群公佳句軼齊梁
英雄老去應無用只合逃名入醉鄉

詩氣蒼老結處感慨特深

楊嗣漢 部山江西安福人

張南邨先生自天津解纜南歸行之前一夕燈下同賦

時余亦有都門之行

還聚津門一夜秋翻忘執手送君遊
酒杯不異青山路詩卷欣存北海樓
冷鶴一聲人未渺雲鴻千里夢長留
此行願逐南天約駒隙休嗟似水流

婉轉悠揚清思如鶴此竹菴先生令嗣吾友張南邨村亟稱其沉

酣風雅且篤嗜友聲一詩可以想見

劉芳洪 虎臣鍾各直隸宛平人

法海寺

古寺紀登臨憑高足賞心徑穿花外曲
雲幕樹間陰鐘鼓驚棲鳥波濤動遠岑
黃巖何巖嶸白日自幽深

似古丞

朝陽洞

汗漫登崧嶺森森萬木幽危巖生靜氣
大漠走洪流烟重羣峰暗風高四月秋
向來五嶽志應為白雲留

筆墨深厚

文殊院

策杖尋幽處沿迴松逕開秋深千樹醉
雲破一峰來白日行深院青蓮護講臺
悠然何所得身世委浮埃

雲破一峰來妙句令人思

自三义澗下仰山

○窮○然○以○深○
行深曲澗疑無路寺轉千盤樹半遮巖巖蒼崖潛虎豹陰森
空峒吐烟霞雲根出石侵苔冷松影迴風入逕斜回首蒼茫
下山去凌虛還似泛仙槎
別有天地非人間寫來蒼鬱

海門

荒城當日蕩危瀾村落猶存萬頃寬夜半潮聲天地動海門
應不等閒看
極洶湧溢

大雲寺

竹根石上水潺潺不定雲光遠近間欲向山僧頻借宿晴時
登陟雨中還
井情淡山水人那得有此語

冷村早行

露光湛湛散晴谿一帶沙痕印馬蹄何處疎林鳥飛早遠烟
殘月隔村西
迷離如畫

六里溝送六弟往上方山

深林曙色遠蒼蒼此去應攜五嶽糧珍重名山讀書好可能
嚼得菜根香
寓勗勉意風韻自佳

移居西山

沙平水靜一鷗翔蔬圃猶存野菊芳詩句乍成新釀熟傷人
錯擬是柴桑
悠然

村行雜咏

風行水面錦成紋野澗天低草色分彷彿前林人語出棹行
猶隔一重雲
詩中有畫

積籬茅屋夕陽明短杖田間信步行徑曲竟忘歸路遶晚烟
荒寺一僧迎甚冷

西風殘葉下東臯野店秋花醉濁醪日暮忽看寒雁過落霞
天外數峰高此景不在塵世

月落星高霜滿谿曉鐘初動唱鄰雞起行獨覺漁樵早寒木
棲禽尚未啼是曉景

鍾洛官新安吟詠頗富後篇卷散盡令嗣德柔拾其殘章寄我因為點次以志弗忘

黃州夜泊

一月艱難上水船舟人每與客相憐江流百折迴腸際歸路
三秋屈指邊沙岸月斜宮柳黑漁灘風定水燈然長腹米富

魚蝦賤遮莫葦鱸不值錢婉轉秀麗天然姿度

吳德照 惟鄰江南貴池人

白雲菴卽事

起得高老未審烽烟何日休瀟瀟風雨滿西樓風來院內聽花落雨過
溪前看水流翠竹碧梧相掩映斷雲歸鶴共優游招攜幸有
山陽侶且解今宵一夜愁老氣逼人

送蘭次叔遊粵東用魯郡伯韻

名著詞壇有歲年筆翻滄海墨飛烟如何空憶三秋菊不解
會營百畝田垂老舟車衝瘴雨故人旌節入蠻天應知握手
珠江夜不惜傾囊有贈錢情事曲盡而聲彩煥然

別友

舟過柳橋東，離愁滿眼中。祇餘今夜雨，遙與故人同。
定本 悵悵 之甚

燈前看花

繡幕青燈照玉姿，晚粧臺下鬪西施。更闌人靜渾無語，獨對銀缸睡欲遲。
媽然 欲絕

席散後

當頭見月酒盈尊，月下人歸上若村。金谷名花空爛熳，一時烟雨黯黃昏。
開熱場中忽然 冷落每有此景

哭蔣丈

歷徧吳山臥楚雲，那期杜宇遶孤墳。年年有菊盈三徑，不到花開便哭君。
情深 淚滿

惟鄰英年好學所著四六詞賦充篋盈囊而詩特穩秀予樂為稱之

李德裕 峽江南 祁門人 枕流集

靖江野眺

靖江官渡口，衣帶接羣山。雲樹有無際，烟村縹渺間。日高孤塔出，風定早潮還。又歎登舟去，浮生未得閒。
風景寫 得閒遠

遊支硎山

雙槳來游日，山中雨乍晴。涼烟羣岫斷，新漲過橋平。面面逢田父，交交囁谷鶯。道林如我待，此地亦蓬瀛。
妙合 音節

飛來峰

欲到飛來頂，肩輿更向東。路雖迷疊嶂，人却在春風。挿地驚神斧，擎天得鬼工。振衣千仞上，木末下高鴻。
妙處正 在澹遠

冷泉亭

一、脉、輻、光、水、分、流、過、此、亭、凭、欄、諸、念、冷、倒、影、衆、山、青、花、落、憐、
春、色、人、來、是、客、星、乾、坤、餘、我、懶、白、眼、爲、誰、醒、
不、必、刻、劃、自、然、蒼、勝、

秋日寄懷方我彭

一、自、江、臯、別、秋、鴻、兩、度、來、如、何、徒、悵、望、不、見、有、書、回、末、轉、輕、
儒、業、交、情、重、酒、杯、橋、邊、明、月、好、懷、抱、向、誰、開、
詩、懷、活、適、而、蓄、感、滄、淡、

留別婁東諸友

何、處、吹、簫、乞、酒、錢、斷、蓬、心、事、蓼、洲、邊、情、淡、半、在、山、光、好、客、久、
寧、知、地、主、賢、離、索、怕、吟、梁、月、句、孤、踪、愁、泛、暮、江、船、諸、君、若、到、
青、雲、上、應、念、飄、萍、別、思、牽、

暨陽九日

秋、色、天、涯、也、不、貧、愁、中、一、倍、惜、良、辰、名、山、多、是、吟、高、地、雁、跡、

誰、爲、送、酒、人、籬、菊、未、開、霜、氣、淺、江、楓、初、變、雁、聲、頻、到、來、着、處、
堪、娛、目、張、翰、如、今、不、憶、尊、
盡、芟、鉞、粉、之、氣、

玉鈎斜

芄、芄、荒、草、玉、鈎、斜、香、徑、愁、聞、羯、鼓、過、千、古、二、分、明、月、地、怨、魂、
風、雨、妬、烟、花、
艷、魂、愁、魄、千、載、欲、起、

家兄齡長歸里

相、背、日、多、相、對、稀、他、鄉、共、被、各、依、依、同、條、接、葉、情、無、限、忍、見、
春、來、隻、影、歸、
情、長、

過雨香菴有感

去、年、此、地、日、尋、幽、日、日、笙、歌、水、上、頭、樂、事、已、隨、春、色、去、飛、花、
不、識、旅、人、愁、
右、軍、所、謂、俛、仰、之、間、已、爲、陳、迹、

徐方虎太史來遊雒臯于文士中喜得若谷曰其詩清如

磬溫如玉是鍾漸江之秀者予覽其近作良然亟為登之

梨 盧 勸 磊菴江南宏興人 名山草

米脂雜詠

孤城粉堞削巒岒鳴咽泉流黑水灘細雨乍晴雲不斷野烟

四起碧初攢鶯花寂寞軍容慘劍佩蕭條酒氣寒回首可憐

狐兔窟秦時黃土淚難乾○雄○情○四○溢○邊容塞景寫得十分蕭

懷金陵舊遊

幕府山頭落日斜望中鄉國是天涯渡過游女思桃葉臺有

高僧說雨花戎馬日騰金粉地城烏舊宿帝王家迴船憶昔

青門外誰種東陵五色瓜識高筆蒼一往北烈

危映壁 仲略東原江南貴池人 梳山草堂集

二月九日

三十二年忽以過學書學劍曾如何晨興少婦低聲說君髮

無端數莖白對鏡自嘲轉自憐問婦可仍稱少年消受寒齋

幾燈火天地之間乃有我讀過忽如冷水澆背

訪蘭兄山中

翁年八十餘六七桃源衣冠貌古質深山我入欵翁扉出門

趨迎相拱揖坐詢我伯及我父○撲○得○好○自云差長猶稱姪縷縷皆我

未生前五十年事如昨日愛我歡極不能舍呼孫熱酒陳棗

栗敬前謝翁容再來雨霽斜陽山欲夕字字真確氣韻絕老

郭郡伯遊齊山用杜韻

一從天結構標勝數唐時刺史千秋姓樊川九日詩雨分花
陣陣烟斷柳絲絲隔代遺碑在風流尚可期

烏沙夾次喻郡伯韻

岸束春江小荒洲黯似秋草舍煙氣動波帶雨聲流茅店皆

臨水沙汀偶繫舟不因聯問俗何自久淹留

此亦為村落門前鳥慣飛泊船通客語問酒解征衣遠浦爭

驅犢疎籬各掩扉喚人饒布穀那信道春歸

深蒨

喜宗鶴問初官秋浦次原韻

東南名士有我識少文賢匹馬之官日三秋看菊天好攜尋

勝具同上汎湖船應念齊山久題詩入暮烟

湖山和鶴問韻

路指平橋轉招尋上碧山幾家成聚宇萬木得霜斑登眺無

多地川原盡此閒草菴僧磬出共踏野雲還

風景宛然

鶴問攜樽過偶園小集次韻

閉戶成吾拙當軒愛遠嵐闢園初亦偶有徑那須三雲亂峰

千變山低日半含不煩重載酒到輒縱高談

鄧孝威舍人過訪梳山草堂不備有詩題壁奉次原韻

春色孤亭滿疎籬日掩扉客來須小住我偶值忘歸牆矮遙

嵐入簾空乳燕飛賞心隨處得不信此

孝威鶴問集飲山齋次前韻

地僻容疎嬾因君再啓扉摘蔬荒圃足覓酒小童歸野蝶凌

風亂江雲帶雨飛高歌當列岫戰甲一時稀

梳山在東原宅內覽眺衆

峰如在襟帶余時與鶴問飲其山堂
積有倡和諸篇屬其自譜皆極雅淨

舟宿池口

黃昏江岸影漫漫坐見漁舟拂釣竿天濶
圍雲欲合風高十月雁知寒出門不道鄉園遠入夢初驚客路難隔浦蘆花
逃戍火夜淡枕上角聲殘

響泉菴

野香入路墜紛紛路折飛泉到處聞聲落松梢疑作雨氣蒸
石罅欲生雲僧炊脫粟元無約客飲流霞自不羣歸去晚鐘
林際出半山隱隱送斜曛

一路光景可想

雪霽遊齊山至陽春嶺而返

鳥喜春晴喚木停杖藜乘興酒初醒山光忽使頭成白柳意

初教眼放青此去湖邊元有路舊時崖畔幾多亭遊人為怯

水霜滑雲裏晚鐘何處聽

全用散筆行其整勢

齊山亭子東郭昆台太守

重訂山盟早放衙使君風骨帶烟霞平湖麥糴逾千畝野市
帘青得幾家苔滿樹身常著雨草生洞口亦含花莫誇康樂
行春地景物於今勝永嘉

郭使君風流儒雅人到于今歌出牧也此詩清秀極堪持贈

弔黃侍中祠堂

代易人非禁網寬巋然祠宇尚江干一家殉節臣心苦兩路
招魂客路漫牧豎今能言爵里宦流此不愧衣冠哀猿夜夜
還南向痛絕三聲月影寒

凄然難讀亦肅然生敬

省墓

松杉剝喙起寒鴉烟斷前村三兩家苦雨凄風行不盡迎人
多是杜鵑花難為懷抱

山行雜述

田家小女不知愁亂折山花插滿頭野色尚留春未去子規
聲裏淡如秋澹而艷

野市臨田一徑斜人來十里歎離家當盡已去青帘在籬落
還開覆路花杜書記每有此感

無題

聲聲燕語逐粧臺鎮日空階長綠苔何事一身輕萬里不關
征戍阻龍堆不落輕纖

東原雖登賢書而門風蕭澹築梳山草堂讀書其中愛典衣沽酒與客吟嘯詩多俊遠明悉有謫仙小杜之遺

曹繼參鄴升江南不謀人

來鳳亭夜飲

繁花秋浦縣別啓玉人居松動清風遠林深夜月虛十年高
士榻一枕昔賢書坐愛清宵色傾觴且盡餘蕭蕭疎疎是文字飲

秋日西郊

頻年兵燹地景物幸猶存寺古鐵爲佛春寒花是村可游皆
舊蹟借問有芳樽更愛芳莎綠平鋪到郭門娟潔

樂平書感

彌望惟空濶周遭能幾家荒烟叢茂草枯樹集寒鴉感慨山
川舊歛歛風雨斜滄桑真可念兵燹困年華兵後荒殘亟需撫字能無

三歎

春暮登齊山用杜韻

青場一帶正輕飛望望長隄接翠微為愛僧閒攜共入却緣
洞古竟逃歸碑文滅沒流寒色雲樹蒼茫擁靜暉回憶題詩
忠武在好將山水換戎衣

用杜韻者甚多而此較別

新秋

修竹青分雨後晴閉門憑几對幽清客無過我嫌疎性臣不
如人恥貌名偶愛蘭亭摹字體閒從茗盞得詩情炎歎天氣
曾時幾又聽風梧弄葉聲

清風朗月狀其詩懷

季冬自德興返饒城道由樂平

晨起催裝霜滿程驅馳連得趁天晴亂崖風捲當前霧蚤日
雲開遠道旌一派荒疇人迹杳三冬忙路客心驚何人肯作

監門繪徹耳哀鴻淚點盈

撫此痛癢不禁涕淚是有心人

再過康郎山

春寒曾渡蠡湖烟長夏輕風又扣舷古木頽祠憐舊壘雄兵
鏖戰憶當年屯軍沙岸清波裏帶水人家綠柳前悵望水天

迷一色安流何日下歸船

情旨極為動人

曹有為

亦若江南石埭人

湖口縣

勢欲吞吳楚舟航頻去來漁罾懸石壁僧磬出山隈巖作孤
城險門臨二水開當時會壁壘鼓角暮天哀

雄健却貼合

晚泊

茅店臨寒渚蕭疎十數家旗風占賣酒鐺火待烹茶晚稻圩

田熟殘荷水斫斜夜來燈影亂幾點沒殘霞

荒野景物
指次迷離

柘林

日夕飽風霜輕舟走豫章帆懸頻轉脚柁捩幾迴腸亂後餘
桑柘秋來足稻梁却憐時序變落葉滿滄浪

蒼然悠然
神色俱異

金陵黃公祠墓

寒鴻橋畔侍中祠骨月忠貞竟在斯不以科名矜世眼獨留
廟貌繫人思來過此地能無拜欲哭先生但有詩魂魄直隨

天塹永迴瞻羅刹大江湓

鄩升詞壇尊宿而臥疾茂陵令嗣亦若早工詞
賦為諸侯所禮重詩並淹秀超遠卓冠池陽

宗鶴問曰余一蘊秋浦頗為蕭寂賴有劉子王孫馮子聖
調曹子亦若時相過從賴以不孤而亦若尤雅靜冲恬吾
友孝威極為賞歎

宮鴻曆

友鹿江浦泰州以
棣園稿

少年行

鑿巫閭峰高插天少年生長東北邊早歲學書苦不就翻身
跨馬如雲烟九秋鞞鷹出城邑千歲老狐避不及霹靂驚弦
尚有聲摩空已落連飛翼身被貂鼠臂帶弓金樽酒滴珊瑚
紅醉後殺人誰忤視親族出入明光宮噫嘻流年如逝水滄
海桑田一彈指讀盡金匱石室書何如十郡良家子

豈有
所憤

百言之乎然邇來
風氣又為一變

戰肥水

明光宮中人夜呼投鞭逆流江水枯陽平馬躡長城壞苻郎
魂銷金僕姑司馬昌明何可得回首長安空築室

堅南伐時
長安起第

宅欲以處誰知婦孺皆有知堅所幸張夫人及翻手得之覆
 晉君臣幼子皆諫不聽
 手失捫蝨老翁言可數誰道君臣真水乳既驅戎馬江東來
 又縱饑鷹燕北去符堅以不能用言而敗歷歷指數是一則史論

上巳日雨和胡孟綸先生兼以誌別

浮雲黯黯蔽江汀彥會高車此日停歸夢欲離江上水新詩
 應滿竹西亭鶯花客裏和愁過絃管聲中雜雨聽此後相思
 何處望越山一點暮烟青秀色如望烟中螺髻

晚泊遊弘濟寺

勝國繁華此舊京傍岩猶築最高城六朝王氣杳無跡一水
 寒濤夜有聲歸鳥遠從天外沒遊人多在樹巔行龍旂虎旅
 紛爭後唯有山僧解送迎寫景說情俱極蘊藉

賦得二十四橋明月夜

秋江如練景蕭條明滅寒星遠近潮庭燎有光誰問夜錦帆
 無處不連宵為憐大業三分月空照雷塘念四橋多少太平
 好風景君王偏愛一聲簫李義山杜書記而後再觀此情文悽艷之作

輓李映碧先生

雲霄諫草擅名臣世史聲尤動紫宸延壽有靈邀汗簡先生註南
 北康成雅意薄朱輪召修明史不赴濫中北岳真經濟躡屐東山舊
 隱淪回首巫陽愁日暮空教三徑長松筠先生歸田以後惟覃心史事名
 山之藏行將公諸當代是淮南文獻一人

同許師六湯西厓汪叔定諸君集春雨草堂

草堂幾度雨當春前輩雲龍得暫親拙戀交遊偏自喜懶惟

文酒不辭頻花繁側徑妨高屐。鳥嘯層臺媚遠人。為愛重陽風物近。江楓籬菊滿城闈。

余與紫陽先生以文事相切劘者五十年而聯聲氣倡風雅則于海陵有手闢蠶叢之功焉令嗣友鹿篤切嚶鳴奮懷古業為吾黨匡贊不細錄詩數章未足盡友鹿也

金德嘉 會公湖廣廣濟人

贈別蔡靜子

長安游已徧高士憶南州。匡嶽千尋上。長江萬里流。煙雲深

竹樹風雨足。山樓嘯傲憑書卷。人生何所求。

擔簦霜雪苦。汎宅亦風濤。閑想山廬靜。臥看海日高。冬寒堅

古。柘春色綻天桃。攬鏡長怡悅。何知有二毛。

知其胸有卓解

二詩風期澹靜冰雪照人

胡繩祖

斯補勁齋江南休寧人有秋堂近什

寄懷程叔子

江漢探奇好著書。迢迢曾惠有雙魚。荆人璞獻青山外。郢客

歌傳白雪餘。千里應勞歸夢切。一樽寧使論文疎。春風不為

開。關隔折柳開花慰索居。

一結典到神來 遊臨溪菴園同程宗衍孫枚吉程子青巽虞觀揚

名園不讓習家池。曲逕逶迤泉石奇。叢桂小山晴有路。喬松

高閣挺無枝。牕前烟老迷丘壑。檻外溪流亂奕棋。坐久頓銷

塵世慮。應攜相酒聽黃鸝。

雅人淡致寫溪山如畫

讀司城程孚夏乙丑海陵大水行

澤國遙聞民力瘵。旅人觸目起長吁。竈沉水沒千村樹。地老

天荒一歲租灾異書成真有淚流離賦就不須圖知君雅負
蒼生望未起東山擅廟謨

海陵水患見者驚心駭目奈何
群公意議少決雲峯二詩極警

厲確當恨不馳
封以上當宁

汪穎 鈍子湖廣漢陽人
漪堂偶詠

金陵晚發真州寄友

擊楫中流薄暮天石帆山下片帆懸
夢迴漢水愁千里腸斷

真江月一弦黃菊青衫今夜酒
晚潮秋雨下江船故人咫尺

偏增感鼓角高城悄未眠
纏綿悽惻偏
餘香澤之氣

秦淮竹枝詞

鐘山雨氣接秦淮溽暑潛銷鈔庫街
秋色河房淺院好木樨

叢裏賭金釵 一則白
門遺事

吳宗烈

北持江南休寧人
五陵游藝

海陵冬日懷家嚴赴陝西幕

不計生涯賤惟期慰老親
常憐疎菽水今又困風塵
鄉夢遙連楚關雲夜照秦
那能隨杖履西嶽訪嶙峋

遠道思親于
樸直中不乏

風古之調可
謂情文兼至

早春寫懷

故國書來未寒梅已着花
青燈迴客夢白雪凍天涯
看劍懷知已啣盃閱物華
却憐正月過歸雁御風斜

安雅又
復高亮

春夜程孚夏表兄招飲

中表他鄉路尤憐雨霰中
風前一盃酒天外幾聲鴻
旅況寧徐穉交親賴孔融
夢餘春易曉梅影動簾櫳

溫眠不落
纖細故佳

驚秋

山老煙昏木葉黃南樓征鴈曉衝霜縱教久客難彈鋏何處
 登高不望鄉衰草隔江迷遠岫浮雲隨雨間斜陽授衣時節
 誰相慰隣戶砧聲只斷腸雖意旨蕭涼而調高氣逸

吳陵再度除夕東程孚夏表兄

兩載天涯好卜居不曾彈鋏歎無魚青陽漸逼人將老白雪
 相侵歲又除半夜客懷雙燭下平生心事一樽餘幸依東閣
 圍爐坐愛看梅梢春意舒一筆寫去但覺情味有餘惟是率真故無支語

客牕

計得離鄉又二春花邊鶯語喚佳辰無端最是黃昏雨打到
 西牕劇惱人疎疎有致

汪光祥

旋士覺菴江南歙縣人彭城越遊諸集

亞夫墓

玉斗復何惜君王好自為重瞳不可輔奇計又安施孤憤忘
 軀命忠魂儼在茲千秋瞻古墓涕灑范公碑

山雨

風雨颯然至烟雲吐半山灘高舟下急林靜鳥聲聞秋暮楓
 逾赤冬來樹漸斑一航泊野岸如在畫圖間

富春江看雨

江路入三折瀟瀟細雨生水寒烟自合山遠霧將橫風疾帆
 行速潮還舟自平斑斕霜樹豔時有白雲迎山水間詩獨有靜氣

放鶴亭

孤亭山畔峙。四顧盡梅花。聞昔林高士。尋幽此作家。波光祠外映。樹影水中斜。放鶴人何在。凭欄生嘆嗟。
魏國夫人素面朝天。此有

其致

重九登前山

節。届。登。高。日。東。籬。菊。有。花。携。筇。堪。一。眺。落。帽。在。誰。家。風。緊。鴈。飛。急。日。西。雲。影。斜。茱。萸。仔。細。視。已。醉。典。猶。賒。
清 辣

集水香園看梅限韻

甲子年更始。忻逢是上元。塵埃無世慮。天地即吾園。日麗花容艷。風和座客暄。笙歌何用御。相對欲忘言。
清芬 襲人

彭城懷古

灘水紆迴勢若轟。懸知劉項此縱橫。山河已沒旌旗影。風雨

時聞劍戟聲。帝業鴻溝餘古跡。霸圖青史只空名。呂梁今

尚洪流怒猶為重瞳。氣未平。
奔騰其勢碎旬其聲而識力更超

遊雲龍山

夕陽山影半含烟。策蹇遲遲欲暮天。檻外洪河鯨勢斷。堤邊老樹鶴聲偏。雲龍古井今猶在。戲馬荒臺空復傳。沉醉莫嫌歸去晚。勝遊應許續前賢。
筆力傲硬

九日遊雲龍山

時逢佳節漫登山。恰喜新晴頃刻間。獨上孤峰臨絕澗。並攜竹杖叩花關。逢僧揮麈拈華笑。
石佛寺有僧相對談禪 命使拏舟訪菊閒。縱之一樽清興在。如雲出岫已忘還。
不必填雲龍故事而清音嘒嘒如鶴

空叫

別明遠叔

纔幸相逢又別離，那堪岐路詢歸期。同舟不盡同心話，忍聽
河干折柳詞。情淡干 尺水

望九里山有感

九里當年樹漢基，青林猶似動牙旗。可憐兔盡還烹狗，折戟
沉沙一局碁。英雄事業付之 楸枰可勝浩歎

余與君家大阮栗亭結契，霞上每歲寄我紫霞山之茶香，清色潔心，我詩腸今梅雨已過，遙望練江，寄茶之使杳然。天末忽丁君蘭皋示我覺菴諸詩，清真雅秀絕去塵土不減，吸阮公溪畔僊芽也。

白良瑄韞生義和陝西安邊人

仰天窩窩在山頂羣峰環列其上故名

天窩古洞天，幽靈與世越。日月自中生，迴龍護山闕。亂峰光

入流，四壁動明滅。澹然一老僧，滄桑起眉睫。手註楞嚴經，見
面不識客。花木亦靜修，舍香未輕接。會心悅眾妙，忘機莫能
說。忽指青巒上，聲從何處歇。中多恭 悟語

過南堂寺贈弘上人

有客南堂寺，槃阿十畝中。知心三鼓月，把袂一林風。踪跡雲
封徑，歌談世不通。茫茫煙浪裏，閒煞老山翁。世有如此山 翁我願頂禮

夜過黃州

自團風晚發，順流而下。歷古今一刻也。泊岸時，東方虛白，
赤壁坡樓已櫓背看矣。無從索紙，漫書於舟人汲水之板。
命侍史持而謝之。

倦櫓搖江月，強帆欲挂天。遐心生去水，清興觸來巔。波撼魚

迴夢林封鳥習禪。貪忙推物理。不及別坡僊。

曉思峻調想見江天放棹

時讀小序知使君之韻

江村步月

○奇○何○
山水平分月空音。奏夜殘。波明魚倚藻。木嘯鳥俱寒。寶髻辭妝鏡。銀樽倒。畫欄勞。形多少。事入夢。此時寬。

典趣全別

題恭簡耿先生自得園

山、水、本、無、意、情、生、高、士、家、門、當、三、面、竹、亭、坐、一、溪、花、群、物、悅、清、妙、幽、懷、入、古、賒、幾、盃、濁、酒、後、坦、腹、倚、層、霞。

立秋日雨

○思○路○迴○異○
昨夜秋風至。雲流聽有聲。截來巫峽水。挾向石頭城。燕子飛還掠。蛾兒棲復驚。我慙添莽力。覺得酒盃輕。

春山野步

有小序

癸亥之春。客牕多雨。仲望喜晴。白子與達者數輩。適與郊原放開心眼。富哉時乎。物我各足。俯仰神怡。因成小詠。

嶂、疊、松、盤、曲、徑、通、行、行、一、上、一、心、聰、凌、霄、梵、閣、煙、雲、護、着、眼、名、花、掩、映、攻、爭、句、燕、兒、飛、品、綠、傷、春、蝶、子、卧、牽、紅、山、情、約、我、觀、元、化、踏、盡、清、明、天、地、空。

偶然春遊俯仰都有別致

安城卽事

箕踞槃阿話草萊。一肩暫息白雲堆。山牕綠碎風移竹。曲徑香濃雪放梅。詩思浪隨花思舞。琴聲低並水聲迴。懷人榻下石頭上。醒者不來醉者來。

結處不衫不履大有嵇阮風味

遊文昌閣步王枚岡韻

百尺高樓靜悄然。我來復扣樹頭禪。迎人花雨懸天外。好客

烟雲到座前。蝴蝶帳中誰。夢夢杜鵑枝上苦。年年山翁無物。堪持贈馬上。平分月色還。
筆致翻 躑欲僂

萬槿園避暑

何處停驂好。醉眠紫薇紅。障綠楊前山。光四季池邊。老花氣一樓林杪。懸翠帶水環無垢。地清風人在。有私天笑他陌上招搖子。不道詩仙便酒仙。
思路幽異而出之 軒豁歷歷可數

茅州為仙靈窟宅陶葛諸真人之所棲遊而白公來結綬于此殆超然有塵外之思乎詩復清微朗雋高晚震表真

令香山

再見矣

李楠 紫巖敬可奉天遼陽人

巖子陵釣臺

一釣傳千古。清流認此臺。三山浮翠起。七里湧波來。晴日開

秋色危磯撼水隈。子陵不復作登眺。自徘徊。

只譜釣臺佳境而子陵亮

風如

敬可于若士為金昆玉友而皆有扶持風雅

之力范廉夫極稱之惜其詩少不能多錄

范國祿 汝受十山江南通州人

胥郎挾美人跨馬歌

雨後天清夜。光旦美人半醉芳筵散。燈火傳呼擁出門。寶車

不御御香韉。攀鞍欲上嬌無力。一簇身輕似飛燕。倚郎懷抱

趨郎心。回首擎肩仍對面。馬蹄不住神轉閒。搖曳珊瑚掣如

電。踏殘花影。濺香泥。東風過去無留豔。零亂行人眼角青銷

魂。暗拾胭脂片。
吐詞輕艷何 異温李佳製

十山十年避地今始還家閉門不出然賓客訪之者輒傾 倒不厭不以家貧為解為詩益豪邁有振動三山之力令

嗣廉夫遠遊京國與大人君子李若士輩有文章性命之交將來未可量

范 過

濂敷廉夫江南通州人 衍塵集月因篇

寄李銓部若士
此來成何事。獨坐古荊州。荊州紅梨樹。老去不知秋。六一寧復作。絳雪豈多求。思君臨鶴澤。波影自悠悠。

結網既真懷 思自切此為

性情之詩

抵武昌

燕趙悲歌客。隨波到武昌。山川經百戰。亭閣未全荒。浪捲風塵極。春回草色忙。楚江兼漢水。吞吐接瀟湘。

調警思深 堪敵空同

杜鵑

春光到處杜鵑啼。聲入關山分外凄。莫向陽臺烟樹過。斷腸

人在楚江西。聲調 逼唐

秋懷

山色供愁夕。照殘涼。生金井。客袍單。美人何處看。黃葉滿耳。

蛩吟獨倚闌。○誰○能○堪○此○ 寄想 正遠

釋慧覺 幻空江西太和人

蕪城

古堞今摧盡。居人指在西。白楊蕭瑟處。夜夜子規啼。

動人 憑弔

之感

茱萸灣

吳王開濬處。一道接長淮。隋柳今搖落。茱萸映水涯。

致有

迷樓

樓閣倚天半。君王永夜歡。將軍一炬火。行人掩淚看。

勝人多

許

九曲池

九曲池誰鑿。隋家種芰荷。歸舟日將落。水調一聲歌。

老

幻公駐錫維揚之旌忠禪院自號青原老人年八十勤苦學佛工畫花鳥能作蠅頭楷書詩高健入格愛與文士遊芑荔中之矯然獨出者

王日講

學臣江南通州人錦江吟

錦官元夜無燈

料峭春風雪徧傾。夜闌扶醉踏莎行。星橋路靜人何處。曉箭聲停漏幾更。火樹當年傳集妓。銀花此夕不聞笙。錦城一片淒涼月。客子難銷五夜情。

對此佳節不勝淒其想亂離之餘情事爾爾

吳

濤

又山江南通州籍歙縣人芙蓉閣詩集

遊上方寺

春色邢江滿。攜尊又上方。山泉同寺古。輦路共碑荒。帆過穿

○傑○句○

深樹僧歸背。夕陽登臨須痛飲。不必問隋唐。

○結○句○蒼○厚○

語有關係不徒造句之俊

遣調之圓

望錫山

春樹遠萋萋。蒼茫四望齊。雲埋芳草路。鶯喚夕陽堤。柔櫓聲猶急。浮屠影漸低。蓬窗聊騁望。惆悵未攀躋。

僕過錫山有句云浮圖頷

衆烟爲李杲堂所極賞今見浮屠影漸低之句寫景極真爲僕尋味所未到

吳門畱別孫子嶼兄弟

異路雖傾蓋。交憐一謝深。春歸花似雨。客久葉成陰。鄉夢還

家○慣○羈○愁○出○寺○吟○他○時○吳○苑○月○應○繫○故○人○心○

媽然可愛

定本

招賢橋坐月有感

漠○漠○烟○墟○一○望○收○攀○援○危○石○坐○高○秋○暮○雲○山○寺○天○低○樹○野○水○
疎○籬○夜○繫○舟○隔○岸○漁○歌○驚○客○夢○荒○城○寒○柝○起○邊○愁○中○宵○忽○漫○
生○悲○感○題○柱○何○年○尚○滯○留○

詩忌淺薄此首氣力沈厚不催運置之工

黃仙裳招同許漱雪農部王春明解元李季子孝廉家

繡巖刺史雅集古渡菴

貪○幽○時○共○到○山○窗○選○勝○開○尊○傍○法○幢○正○有○涼○風○來○曲○徑○還○遲○
明○月○上○滄○江○叩○扉○林○外○驚○栖○鳥○沾○酒○橋○邊○吹○小○厖○吳○楚○故○人○
今○夕○聚○辦○香○直○使○寸○心○降○

次第從容而忽出警句使人拍案叫歎

雨中登金山

江○雨○蕭○蕭○暮○不○休○攜○尊○著○屐○跡○山○丘○難○分○草○樹○連○天○暗○但○見○
波○濤○擁○地○流○水○帶○軍○聲○來○楚○蜀○人○從○山○色○驗○春○秋○誰○知○無○限○
登○臨○意○又○復○天○涯○事○遠○遊○

徵事確寫景幽此為今日之金山另開生面安得但以樹影鐘

聲之句稱為絕調

送李皇望歸楚陽

正○月○相○逢○四○月○歸○扁○舟○載○酒○送○依○依○金○卮○夜○酌○歌○難○斷○蘭○漿○
風○輕○客○漸○稀○亂○竹○幾○叢○空○旅○舍○新○蒲○一○帶○繞○漁○磯○懸○知○遊○子○
還○家○日○堂○下○榴○紅○映○綵○衣○

情文相生極映帶纏綿之致應令南國翠蛾歌之

重陽前二日仙裳儀甫繼韶同飲文昌樓

未○到○重○陽○逸○興○賒○相○邀○峻○閣○醉○黃○花○深○林○積○翠○藏○歸○鳥○孤○塔○
憑○虛○挂○晚○霞○感○遇○恰○同○雲○變○幻○臨○風○一○任○帽○欹○斜○明○朝○更○約○

登山去先遣奚童覓酒家

此詩妥雅圓善其摩
誌嘉州之嗣響乎

題閨人畫綠牡丹

翠袖臨風寫一枝細研螺黛染幽姿花容葉色都難辨卻憶

香閨過雨時寫意入微筆
墨之痕俱化

偶見

寒葩傲雪傍荒臺倩女偷攀帶笑回我正惜花花愛汝月明

還許看花來只說看花無
限深情在內

與又山同里而未相識一日渡衣帶訪之而又不遇予次
仙裳韻贈之詩云春風吹浪急鼓櫂一尋君舊宅魚龍渡
高天雁鶩尋雪花還大舞琴響更難聞那得官梅路開尊
主夜分觀僕此什可知又山之詩每聞鶴
山極稱予家小陸詩才清俊而不妄交游然一與符
契便夢寐弗離觀諸作益信鶴山非浪許阿季者

釋上思雪悟江南泰州人

登岡山絕頂

極目微茫接遠天山光水色兩相連風塵不到煙蘿裏雲月

時來梵座前僧老橫眠幽砌石鐘敲直度夕陽船相看舉世

同蕉鹿三歎孤峯仰昔賢造句奇
設景異

別匡廬蘭若志懷

投荒兩月為心喪寥落匡廬舊草堂雙眼久穿雲九疊一身

已遠石三梁松筠入夢家山好風雨驚魂客路長况是東林

諸友在何能蹤跡滯維揚公住匡雲萬頃中出山
原非雅志故情辭戀戀

過殊砂菴訪佛峰法師

支公真好靜結屋最高山泉落不聞響雲歸那辨顏著書陶

至性種菊課餘閒我實懷風久携筇一叩關
到門何所見清况逼人竹色開山徑梅香透薜蘿夕霞明
○新○翠○雲○人○
草戶寒翠落巖坡風物誠堪羨何妨幾度過
○二○詩○
雅淨

喜洞上崑玉禪師住清涼臺須韻懷之

清涼自古得名尊寶鏡重開闢大昏路○實○事○創○句○不容天子駕山廻
偏拱道人門蒲輪月映禪心靜松火香銷布衲温且晚與君
同晏坐巖前笑指雨花翻

雪公頓悟遂臻無上法門結茅廬山今乃駐錫邗水莊嚴
佛土大眾皈依甲子冬
聖駕南來駐蹕天寧禪寺于雪公重加獎拂其詩深靜靈微
而又動今知度讀過覺林風山月襲人衣復非惠休賢月
所能髣髴也

追且菴曰雪公賦性穎異大闡梵音洵曹溪之滴派也
禪誦稍暇間從事聲詩清微淡遠之致對之塵襟盡釋

程應鵬

翼天江南休寧人
綠蔭園詩集

昭陽旅館

古樹蔭僧房柴門草徑荒亂蛙喧水郭乳燕舞泥墻月照羈
人夢更催旅夜長故鄉何處是南望更茫茫
寫旅景最
為蕭滅

雨夜書懷

細雨沉雲霧微風度晚鐘愁來詩思減秋老客情濃籬落滋
新菊階除響亂蛩最憐蕭瑟夜憶我故溪松

早發富陽

霧裡揚帆星未收江城雲氣擁江樓曉鐘古寺連烟度疎雨
潮聲逐浪浮燕子呢喃群浴水漁歌款乃並開舟青山兩岸
人家裡無數鶯花在上頭
○真○話○
○結○得○有○
江山如畫憶三十年前余曾遊此

讀書昭陽僧舍

浩水蒼茫碧四圍。他鄉岑寂故人稀。禪關風定鐘初度。別浦花明鶯亂飛。作客無心開卷帙。思家有夢到庭帟。海天極目荒涼甚。徒倚中林望夕暉。

秋山明淨如粧此詩有之

冒巢民先生招飲寓園觀家劇

前朝簪紱愛林丘。歌舞隨身未肯休。白首自翻新樂府。紅妝不改舊風流。題殘鸚鵡當年興。開遍芙蓉此日秋。幸得追陪猶顧曲。流觴畫檻坐忘憂。

巢民以歌舞為性命僕曾作演劇行贈之

雨中黃儀逋見訪

寒雨蕭蕭獨掩床。淒風吹葉響修篁。柴門晝掩偏宜客。銀燭更深不厭狂。邸舍看來惟隔巷。江湖醉後各思鄉。莫言近市

多佳味。飲盡沽來只濁漿。

儀逋落拓以酒為鄉惟世外之人能容之翼天可謂有真賞矣

歲暮送家兄歸里

弟住兄歸柰若何。故鄉遠在白雲阿。盈帆雪片吳江大。一路梅花浙水多。旅館寒燈增寂寞。草堂春酒起晴和。趨庭上慰雙親後。為我門前理薜蘿。

家庭詩固貴真樸而亦貴有姿韻此篇庶幾兼美

上巳泛舟西湖有感

清波門外望平蕪。潏灩湖光入畫圖。南渡衣冠唯蔓草。西陵宮闕有啼烏。堤邊桃李春先發。橋外笙歌晚更殊。修禊况逢佳麗地。不妨載酒促行厨。

所感在此

九日同戴景韓黃儀逋吳又山胡繼韶城西登覽歸飲

景韓宅兼送董又京之廣東

風捲西城木葉多。登臨相訂晚來過。馬臺落照迷衰柳。龍嶺荒烟沒女蘿。况是籬花開滿徑。正當清譙起高歌。尊前難別入千里。愁聽河橋響玉珂。

團穩得詩
家正

經燕子磯

石灘獨擁大江流。松塢烟潭古寺幽。漁父乖綸溪上穩。頻看

鼉雨上行舟。

世之不如漁
父者多矣

雨花臺

王氣何當白馬來。幾株紅樹壓荒臺。江聲日夜鳴千里。可有

生公講席開。

筆底眼中
煞是浩濶

九月送家兄旋里

南指錢塘路。幾盤高風九月便。生寒弟兄此際真難別。友把



原件短缺

P76以后缺

卷之三